

ርኢሰ ኢሰያስ አፍወርቂ፡ እት ወሊ አልሀድ ሰዑድዮ ልእክት አሰናይ ነድኦ

ርኢሰ ኢሰያስ አፍወርቂ፡ እብ መናሰበት 94ይት ወጠንያይት ኣምዕል መምለክት ሰዑድዮ፡ እት ወሊ አልሀድ ወርኢሰ ውዘራእ-አሚር መሐመድ ቢን ሰልማን ልእክት አሰናይ ነድኦ።

ርኢሰ ኢሰያስ እብ ሰሜቱ ወእብ ሰሜት ሕኩመት ወሽዑብ ኤራትሮፕ እቲ ነድኦ ልእክት፡ እግል ሐ ሽዑብ ሰዑድዮ ወሕኩመቱ “አሰናይኩም!” ሐቀሰ ቤሌ፡ እግል አሚር መሐመድ ቢን ሰልማን ዓፍዮት ታ’መት ወእግል ሐ ሽዑብ ሰዑድዮ ህዬ ሄራር ገደድ ወመትቀዳም ትተም።

ወጠንያይት ኣምዕል ሰዑድዮ፡ እት ክል ሐል ዲብ 23 ሰብተምባር ትዘከር።



ኤራትሮፕ እት ወዕለ መዝመት መጅልስ ቅራን ወገዛ ለአለበን ድወል ትሻርክ



ዐዲ-ጌዕዳድ፡ እብ 7 ሚልዮን ነቅፊ ለትበነ መሸርዕ ማይ ትደሕረ



እት ዐዲጌዕዳድ- ምዴርየት ጋላ-ነፍሐ፡ ዘያድ 7 ሚልዮን ነቅፋ ሚሃንዮት ለፈግረት እግሉ 15 መርከዝ ተውዜዕ ማይ ለሽምል መሸርዕ፡ ዲብ ዮም 23 ሰብተምባር ትደሕረ። ለእብ መዓወነት መሸርዕ ዐዲ-ሀሎ፡ ወእዳረት ኦቅሊም ምግብ

ለትበነ መሸርዕ-ማይ፡ ምሰለ ቀደም እለ ለትበነው ሰለስ ከዋን ዐባዩ እንዴ ትወሰኩ፡ ሰነን ምን ሰጣት እንዴ ትግልሐው እብ ክል እዳረት ደዋዬሕ ነዳፊቱ ለትኣክድት ማይ እግል ልሰተው ለለኣተቅድር ቲ።

ሙዲር ምዴርየት ጋላ-ነፍሐ ኣሰይድ መሓሪ ዮውሀንስ እቲ ኣስመዐየ ከሊመት፡ ዐዲ ጌዕዳድ ምን መሕገዝ ማይ ለዐለ እለን ዐድታት ክምተን እት ለሐብር፡ ብኩይ ለሀለ መሸርዕ ኣሳሰይዶ ሕሉል እግል ለኣምጽእ ለቡተ ሰእየት ሸርሐ።

እት ወቅት ቅሩብ ለተምም ሰለስ መርከዝ ተውዜዕ ክምሰል ሀለ እንዴ ኣሸረ ህዬ፡ ሙጅተመዕ እት መትነፊዶቱ ወዓቅቢቱ ሕሰር እግል ለሀሌ እግሉ ትፋኑ።

መመቅረኣይ ናይለ መሸርዕ፡ ኣሰይድ ኣማን መሕመድ እብ እንክሩ፡ ለመሸርዕ ዕምር ከደማቱ እግል ለሪም፡ ክሎም መትነፊዕት እብ መትሐሳር እግል ልጽቦጡ እት ልትፋኑ፡ እግል ኣንፋር መሸርዕ ዐዲ ሀሎ ሐምዴህ ቀደመ።

ኣክም ኦቅሊም ምግብ ኣሰይድ ፍሰሃይ ህይሌ እብ እንክሩ፡ እት ሰርገል ናይለ ሸቅል ዶር ለኣግደው ጀሃት እንዴ ሐመድ፡ ለሸቁይ ሀለ መሻሬዕ እግል ልትሐፈዝ ሰነን ናይለ እዳረት ደዋዬሕ መስኦልየት እግል ልርፈፊ ትወሰ።

እት ደንገበ ህዬ፡ ዶር እግለ ኣግደው ጀሃት ናይ ሐምዴ ሸሃዳት ተህየቡ።

እብ ወዘር ካርጅየት ኣሰይድ ዑሰማን ሳልሕ ለትመረሐ፡ ዳይመት ሰፊረት ደውሉት ኤራትሮፕ እት መዝመት መጅልስ ቅራን ኣሰይዶ ሶፍዮ ተሰፋማርያም ለትትረከብ እቱ ልኡክ ኤራትሮፕ፡ መዋ-መርሊ 79ይ ወዕለ ዓም እጅትማዕ መጅልሱ፡ እት ወዕላታት ‘ሙስተቅበል መዝመት መጅልስ ቅራን ወገዝ ለአለበን ድወል ሻረክት።

እቲ ዲብ ዮም 22 ወ23 ሰብተምባር ለትሰርገል ወዕላታት፡ ልኡክ ኤራትሮፕ እግል መግዋር ኤራትሮፕ ለሸርሕ ከሊማት ቀደመ።

እለ ክእነ እት ሀሌ፡ ወዘር ካርጅየት ኣሰይድ ዑሰማን ሳልሕ፡ እት ዮም 23 ሰብተምባር ምሰል ወዘር ካርጅየት ሱዳን ወሼንዝዌለ እንዴ ሐድራ፡ እት ዐላታት ኣትኣድ



ዐወድ ዐለ እቲ ወደው ህድግ፡ ዐላቀት ክልኢተን ለዐድታት እግል ትደቀቡ፡ እግል ሰላም ወመስኩበት መንጠቀትን እብ ሕበር እግል ልትክደም፡ ክምሰልሁመ እት እድንያይ እጅትማት ሰይይተን እግል ለኣዘደ ትፋህመው።

እቲ ህድግ፡ ወዘር ሐሱን ዐወድ ዐለ፡ እት ሱዳን ሱዳፍ ለሀለ መሻክል ድቁብ፡ ሽዑብ ወሕኩመት ኤራትሮፕ ፊድለ እግል ሽዑብ ወሕኩመት ሱዳን ወድወ ለሀለው ሰይይት ሐምዴ ቀደመ።

ምሰል ወዘር ካርጅየት ሼንዝዌለ እቲ ገኣ ህድግ ህዬ፡ ለእት ፍንጌ ክልኢተን ለድወል ለሀሌት ዐላቀት እግል ኣደቀቦት ወመትሳዳይ ኣንፋር መጅመ-ዐት ፈተት ድፋዕ ሚሳቅ መዝመት መጅልስ ቅራን እግል ኣትመቃረሐት እቲ ለኣተቅድር ኣርእስ ትጋመው።

ከበር እስትሸሃድ

ነፈር ውሳኒት እዕላም- ገዲም ሙናድል ሰሕፊ መሕመድ ሳልሕ ኣሕመድ ሻክር፡ እብ ዐለ እቱ ሕማም ማሌ 24 ሰብተምባር እት 79 ሰነት ዕምሩ እት ከሰለ ሱዳን ኣስተሸህደ።

እት ሰነት 1963 እት ጀብሀት ተሕሪር ኤራትሮፕ ለፈግረ ገዲም ሙናድል መሕመድ ሻክር፡ እት መደት ንዓል ተሕሪር፡ እት ጄሸ ሐርብ ወኣቅሳም ጀብሀት ተሕሪር ኤራትሮፕ ወቅዋት ሽዑብ እብ ለትፈናተ መስኦልየት ለናደሌ፡ ሐቅ ሕርየት ህዬ ሰልፍ እት ውሳኒት ተዕለም እት ኦዳለየት ኣክትባት ዐረብ፡ ሐቅሁ ህዬ እት ውሳኒት እዕላም እት ‘ጆሪደት እርትሮፕ ኣልሐዲሳ፡ መስኦል ዳእረት ኦዳለየት ኣክባር እንዴ ገኣ እግል ሽዕቡ ወወጠኑ እብ መትሰባል ለክድመ መሐርባይ ቲ።

ገዲም ሙናድል መሕመድ ሻክር፡ በዐል ፈረዕ ወኣብ 7 ውሳኒት ቲ። ውሳኒት እዕላም፡ እብ እስትሸሃድ ገዲም ነፈረ ሙናድል መሕመድ ሳልሕ ኣሕመድ ሻክር ለትሰመዐየ ሐዘን ዲብ ትሸሬሕ፡ እግል ዕያሉ፡ መልሀያም ንዓሉ ወመሻቂቱ ኤማን ወሰብር ተምኔት።



አስመራ፡ ወጠንያይ መሕበር ጎማት ዐማር ሐርስ ገብኔ

“ደማንት ወቅዳሊ ለበ ሙነት እግል ኩሉ፡ ዲብ ኩሉ” እግል ወጀዶት ለፈግረ ስትራቴጂ እግል ልትወወት ወመሻረከት ሸባብ ዲብ ዐማር-ሐርስ እግል አትናያት ለሀደፉ ወጠንያይ መሕበር-ጎማት፡ “ናይ ሕበር መሻረከት ሸባብ፡ ዲብ ዐማር-ሐርስ” እት ሐንቴሉ ትብል ስቅራት እት የም 19 ሰብተምበር ዲብ አስመራ - ቃዕት ኮንፈራንስ ሸቃላ ኤረትሮፖ ገብኔ።



ዲብ መክሰቲሉ እብ መዓወነት ውዳሪት ሐርስ ወመሕበር ወጠን ሸባብ ወደረሰ ኤረትሮፖ ለትዝመ ወጠንያይ መሕበር-ጎማት፡ ወዘር አረፋይኔ በርሄ እት ቀደመየ ህግዩ፡ ውዳሪት ሐርስ ምን 2024 አስክ 2028 ናይ ሐምስ ሰነት ስትራቴጂያይ ስታት ሸቅል እንዴ አፍገረት ትክድም እቱ ክም ህሌት እንዴ ሐበረ፡ እት'ለ መደት ጎነ ህዩ ምን አከዶት ደማንት ነብረ፡ ደማንት ለበ ሙነት ቅዝእ ዲብ ወጀዶት ዕዲት ክም ህሌት ሐበረ።

ወክዱ እብሉ ልትርኤ ህለ ተጠውራት፡ ዲብ ሕዱድ-አራዲ ለለአትሐዜ ነበሪት ቅዝእ እግል አፍረየት እብ ገበይ ንኡሽ ወእተይ-ብዞሕ ለለህይብ ሐርሱ፡ ክምሰልሁ መ ስትራቴጂያት-ብዕድ እት ገብኔ ህለ ጸገም፡ ዶር ወመዓወነት ሸባብ ምህም ክምቱ አትፋቀደ።

ወዘር አረፋይኔ እንዴ አትሉ፡ ዲብ መጃል ሐርስ እብ ውክድ

ዲብ ደንጎቤ ሐረሰቶት ዲብ ድዋርም ለህለ ከዞናት ወራህያታት እንዴ ትነፍዐው፡ እት ሰነት አስክ ሰለሰ-ኢነት እተይ ሰጃቅፎ እቡ አግቡይ እግል አግፍሖት ልትክደም ክም ህለ ሐበረ።

ዲብ መሕበር-ጎማት፡ “ስትራቴጂያት ወስታቲባት ወጀዶት ደማንት ለበ ሙነት ቅዝእ፡ ዶር ወሰ-ክ-ዐውል ዲብ ሐርሱ ሸቅየት ቀፎ-ሰንዱቅ ንህብ ክም ሸቅል”፡ አትዳለየት ሸፍር-ጠቢዐት፡ ምን ግማሙት-ናይ ቤት፡ ምህዞ ወሰናዕት-ሐርሱ፡ ክምሰልሁ ደሐን ፈርያት-ሐርስ ለልብል ሸፊሕ እብ ጀህት ውዳሪት ሐርስ ልትህየብ እት ህሉ፡ እብ ጀህት መሕበር ወጠን ሸባብ ወደረሰ ኤረትሮፖ ህዩ፡ “ዶር ተእሂል ምህነት፡” “በርናምጅ ሰሉፍ-ንኡሽ”

ክምሰልሁ “ምህዞ ወሰናዕት” ለረከዘ ሸፊሕ ትቀደመ።

እሊ ክእነ ዲብ እንቲ፡ ዲብሉ መናሰበት - እብ ሚህዞት ለትሰንዐ አላት-ሐርስ እግል ዕፌ ቀርቡ።

መሰሉል መሕበር ወጠን ሸባባት ወደረሰ ኤርትሮፖ አሰይድ ሳሌሕ አሕመዲን እትሉ ቀደመየ ናይ መክሰቲ ከሊመት፡ ለዋዕል እብ መሻረከት ሸባባብ ዲብ ዐማር-ሐርስ መጃል ካልቅ ክም ህለ እንዴ ሐበረ፡ እግል ሸባብ ዲብ ወራታት-ሐርስ እግል ክስኢት እት ገብኔ ጅህድ፡ መሕበር ዶሩ ክም ወቅል አከደ።

ዲብ ደንጎቤ ምን ክልኢቱ ጀሃት ልጅነት እንዴ ቁመት ለልትቀየስ አግቡይ ወፈዳለየት፡ ትልም እግል ተአፍግር ክምቱ፡ ዲብ ውዳሪት ሐርስ ናይ ዶሉ ሙዲር ፈሬዕ ስታቲብ ወስታቲስቲክስ አሰይድ ምሰገነ ከተመ ወደሐ።

እትሊ እግል ሰልፍ ኢነቱ ለገብኔ ወጠንያይ ዋዕል፡ ምን ኩሉ አቅሊም ለትፋገረው ዝያድ 149 መሰሉሊን፡ ሰብ-መቅደረት-ሐርስ ወመሕበር ወጠን ሸባብ ወደረሰ ኤረትሮፖ ሹርካም ዐለው።*

ምግብ፡ መድረሰት በርክ እግል ደረሳህ ፈዳብያም ጀዋእዝ ሀበት

እት አቅሊም ምግብ ለትትረከብ መድረሰት ካልኣይት ደረጃት በርካ፡ እት ወጠንያይ እምተሓን በህለት ‘ማትሪክ’ ሰነት 2023/2024 ንቃዋ ውቁል እግል አምጽአው፡ 61 አንፋር 36ይት ደውረት ክድመት ወጠን ደረሳህ ጀዋእዝ ሀበት።

ጀዋእዝ ሂበት ዋጅብ መድረሰት ክምቱ ሸርሐ።

እት ፈርሶ ተዕሊም አቅሊም ምግብ መሰሉል መዳርስ 2ይ ደረጃት መምህር የሆነሰ ሰለሙን እብ ጀህቱ፡ ሙስተቅባል እት ናይ የም ጀህድ ክም ለአተንክብ እት ሸፊሕ፡ ለደረሰ ዲብሉ ትወቀሉት በቃዕት ደረጃት እግል ልብጽሖ፡ ካድሞም እግል ለአደቅቦ ትወሰ።

እት የም 22 ሰብተምበር እት ገብኔት መናሰበት፡ ምን ጀዋእዝ ለነሰአው ለ30 ታምም 4 ንቅጠት ታ’ማት፡ 31 ህዩ 3.8 ወ3.6 ክምሰል አምጽአው ለሐበረ ሙዲርሉ መድርሰት መምህር ሰመሬ ገብረልኡል፡ እግል ፈዳብያም ደረሰ

ርኩብ ለህለ ዐውቲታት ፍገራት ዕላቀት ሰላሰየት ክምቱ ለሐበረ፡ እት መዳርስ ቅብለት ምፍጋር ጸሓይ አስመራ መሰሉል ተዕሊም-መምህር ግርማይ ዐንዱ ህዩ።



ለደረሰ እት ለትወቀሉት ደረጃት እግል ልብጽሖ እብ መትሰባል እግል ልክደም ትፋኑ።

መድረሰት በርክ ካልኣይት ደረጃት፡ እት ወጠንያይ እምተሓን በህለት ማትሪክ እት ሰነት ድራሰት

2023/2024 ምን ሻረከው ደረሰ፡ 318 ናይ ዲግሪ 137 ህዩ ናይ ዲፕሎማ ንቃዋ አምጽአው።

አስመራ፡ ለሳደፈት ብቆት-ነድ፡ ሐን መራቀብት ተኣቲ

እት የም 20 ሰብተምበር ላሊ ዲብ አስመራ - ድዋራት 2ይ-መርከዝ ፖሊስ ዲብሉ ህሌት መእሰስት ዝቤ አላት ብእእ(ፊራሚንታ) ለጀሬት ብቆት ነድ፡ እብ መዓወነት ውሕደት አቅሰየት እሳት ወሸዐብ ሐን መራቀብት ኣቲት።



እብሉ ሳዕት 8 አልዕሽ ለጀሬት ብቆት፡ ዲብ አርወሐት-አዳም ለመጽኢት መደረት ምንመ ኢህሌት፡ ዲብ መምተሉነት ላተ ደማር-ክብድት ክም ጀሬት ተሐበረ።

መሰሉል ፈሬዕ ቅኑን ወንዛም አቅሊም ምግብ ኮሎኔል ተሰፋሚካኤል ተሰፋጽዮን እግል ኤሪን እት ሀበየ ሐብሬ፡ ለነድ እግል ራቀቦት ሰቦ መኪነት አቅሰየት-እሳት እግል መደት 3 ሳዕት እት ሸቅል ክም ትክሰኣየ ሐበረ።

ምንመ ህሉ፡ እብ ሀመሌ ምን ሰረት-እሳት ወክህረብት እግል ትግባኣ ክም ትቀድር፡ ቃእድ ፖሊስ አቅሊም ምግብ ሌተናል ኮሎኔል ግርማይ ገብራሚካኤል ወቃእድ 2ይ-መርከዝ ፖሊስ ተሰፋልደት ፍሰሃይ ሐበረው። ዲብሉ ነደት ናይ ጅምለት-

መእሰስት፡ እግል ብናእ ለከድም ጣውላት፡ ሕብር ለቀጥን እቡ-ሬሻይ አኳራጅ ብትሮል፡ ዐባዩ ቱቦታት፡ፕላስቲክ ማይ፡ ማይ ለገልል መቶራት ወጀነሬተራት፡ ክምሰልሁ አላት-ብዕድ ኩሉ ጨበል-ርምቦ ክም ገብኔ፡ ለትረከበት ሐብሬ አፍሀመት።

ኤረትሮፖጵዳሽ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተዖት
* ዘህረ ዐሊ
* ፋጥነ አደም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

እዳረት ደዋዩሕ ህምቦል ቀጨጭ ፈድል መትካምካም ተሐምድ

ሙሰውር፡ ክብርም ጸሃዩ

እትለ ጥብባብን የም፡ ምስል መስሎል ዳሕየት ህምቦል ቀጨጭ ምዳርየት ክርክቦት፡ አሰይድ እሰማሂል መሐመድ (ወድ ጥሉል)፡ እብ ክሰሰ መናበረት ሽዑብል ዳሕየት ወራክቡ ለሀለ ኦብካት ከደማት እጅትማዕየት ለወዳናሀ ህድግ ካትባም እግልኩም ህሌኑ፡ ቅራኦት በኪተት፡



አሰይድ እሰማሂል መሐመድ

እዳረት ደዋዩሕ ህምቦል ቀጨጭ ዲብ ሰነት 2002 እትለ አዜ ለህሌተ ኦካን ትጅመዐት፡ ሰልፍ ክም ዳሕየት ምስል ኦብርደት እንዴ ገብአት እግል ትትመቃረሕ አሰተብዳት፡ ሐቆህ ምስል ክርክቦት ክም ትደየር ገብአ፡ ሐቆ እሊመ ምስል አሰማጥ ክም ትትደየር ገብአ፡ እት አክር ህዩ እሊ አዜ ለህሌተ፡ መዳርሰ ወዕያደት እንዴ ትብን እግል ሐቱ ምን እዳራት ደዋሐ ምዳርየት ክርክቦት እንዴ ገብአት ትሄርር ህሌተ፡ እትለ ዳሕየት ዲብ ሰነት 2002 ለአንበተት መድረሰት እት ሰነት 2009 ብናህ እብ ዋጅብ እንዴ ተመ፡ ዲብ ክል ሰነት አሰክ 600 ለገብአ ደረሰ እንዴ ትከብተት ተአደርሰ ህሌተ፡ እለ ዳሕየት ክም መካሪት ወጂኦግራፍየት ደል እንርእየ ምን እንክር ምፍጋር ጸሓይ ናይ ክርክቦት፡ ቅብለት ምውዳቅ ጸሓይ ናይ ኦብርደት፡ እንክር ግብለት ናይ አሰማጥ ወቅብለት ምን ምዳርየት ድጌ ትትረከብ፡ እለ ድዋራት እለ ምድር ሐርሰ ወርዕዮ ቱ፡ ሐርሰ ዲብ አጥራፍ መሓዝ ህምቦል ለህለ ጋድጥታት ዲቡ ልትከደም፡ ወርዕዮ ህዩ ክሉ ለህለ እግል አድብር ወጋድጥታት እግል ርዕዮ ንዋይ ሰኒ ውጡይቱ፡ መጃል ትጃረት ህዩ፡ ዲብ ምዳርየት

ክርክቦት ክም ኦብርደት ምን መዕደይ ሕዳድ ወምን ሱግ አቁርደት ለመጽእ በዳዩዕ ለልትረከብ እታ ተ፡ እለ ዳሕየት እለ ዲብ ክጥ አቁርደት-ክርክቦት ለህሌት ምንማተ፡ ገበይ ሰኔት ሰበት አለበ ላኪን ሰነት መሻክል ናይ መዋሰላት ህለ እግሎም፡ ዲብ ሰነት 2014 ህዩ እሊ መሻክል እሊ እግል ልርሄ ዶዘር እንዴ አምጸአው ዲብ አሰክ አቁርደት ለትበጹሕ ገበይ ወምን ህምቦል አሰክ ክርክቦት ለትገይሰ ሸቀው፡ እለ እዳራት ደዋዩሕ ትርእየ እት ህሌክ ዲብ ምግብ ገበይ አቁርደት ወክርክቦት ለህሌት ተ፡ እብ ሰነት ህዩ ሐድ 3,000 ለገብአ ሸዑብ ነብረ፡ እብ ዓይላትመ ሐድ 1,200 ቤት ህለየ ዲብ፡ እምበል እሊመ ምስል እዳረት ደዋዩሕ የካርዕ ዲብ ሐቱ ኦካን ሰበት ህሌት፡ ለዐደድ ሰነት ናይ ክልኢተን ክም ትጅመዐ ዝያድ 7,000 በጽሕ፡

እትለ መንጠቀት ለህለ ዐደድ ሸዑብ ምስል ለህለ ከደማት ዶል ትርእዩ፡ ናይ ህምቦል ቀጨጭ በይነ ምስሉ ህዩ ናይ ዳሕየት የካራዕ ሰበት ትወሰክ መድረሰት ክል ምንገነ ናየ ብኒት እለ ምንመ ህሌት፡ ናይ ማይ መሻክል ላኪን ሐል ራክብ ኢህለ፡ ለዐለት ዔል እግል ክሉ ለሸዑብ እግል ተአሰቱ ኢትቀድር፡ እለ ሸዑብ እለ ምን ከረ ሮረ ወአሰማጥ ምድር ማርየ ጸላም እንዴ ኢተርፍ ለመጽእ ሰበት፡ ለዐደድ ምን እሊ ለትበህለ ወኪን አሰክ 10,000 እግል ልብጹሕ ቀድር፡ እግልጫ፡ ምን ክሉ ረወራት ለሸዑብ አሰክ እለ ኦካን ገኔሕ ሰበት ህሌ፡ ለብዘሐ ሰነት እት ዘይድ መጽእ ህሌ፡ እምበል ናይ ማይ መሻክል ናይ ዕያደትመ መሕገዝ ህሌ፡ እለ እግል አርህዮት ሸዑብ እብ ሐድ 150 አልፍ ነቅፈ ለገብአ ማል ሰለሰ ቤት እግል መጸበሪ ዐመሲ እብ ማሉ ወቅውቱ ምንመ ሸቀ ወሐሽ ናይለ ዕያደት ጋብእ ምንመ ህሌ፡ እለ ክሉ ምስል ለህለ ብዘሐ ሰነት እግል ልክፈ ቃድር ኢህለ፡ ሕመም እትለ ዕያደት እግል ልትሳሬ ለኢቀድር ሳደፈ ምንገብእ፡ አሰክ ለዐበ ሕክምነ ለትአበጹሕ ሐቱ መኪነት እሰግፍ ምንመ ህሌት፡ ህታመ እንዴ ክርክቦት ክድመት ተህይብ ይህሌት፡ እምበል እሊመ እለ መንጠቀት ናይ እትሳላት መሻክል ህለ እግል፡ ምን እለ ባክነ አሰክ እዳረት ምዳርየት ክርክቦት ምን ተሐዜመ እትሳላት ሰበት ኢህለ ለትወድዮ ወትባሰሩ ትቀጭ፡ እግልጫ



እትሳላት ኢትረክብ ወመዋሰላት፡ ሰበት እሊ፡ እሊ መጋዴዕ እሊ ሐል እግል ልግበእ እግሉ ለሐዘ፡

እትለ ሰነት የም ዓመት እለ ዳሕየት እለ ሸቅል እብ ነብረ እንዴ ገብአ እግል ትሸቁ ህሌት ወሸዑብ ህዩ ምን እሊ ሸቅል እሊ ሰኒ አሰተፈደ፡ ሰብ እሊ አድብር ሐቱ ሸቅል ለአምር ይዐለ፡ እተ አድብር አግቡይ መካይን እግል ልምጽኡ እንዴ ቤል ዲብ ሸቁ ካልኦይ ወርሐ ዋዲ ህለ፡ ወምን እለ ወሐርመ እሊ ሸቅል እሊ እግል ለአተላሌ ወምስለ ለህለ ብዘሐ ሰነት፡ እግል ለዚድ እሎም ልሰኡ፡ አዜ ህዩብ ለህለ 100 ነፈር እግል ዳሕየት

ህለው እግሎም፡ ክም መስል ምን እለ መንጠቀት እንዴ ደርሰው ሳወ ለትከረው ወእንዴ ትወዘወው ዲብ ለትፈናተ አሸቃል ፍሩራም ለህለው ብዘሓም ሙደርሲን ለገብአው ህለው፡ “ላኪን ለአዋልድ ለአንሳት ናይነ እሊ 8ይ ፈሰል ሐቆ በጽሐ ምኑ ወለዐል ለሐልፈ ኢገብአየ፡ ለሰብ ህዩ፡ ሐቱ ዲብ አሰማጥ፡ ሐቱ ዲብ አቁርደት ወሐቱ ህዩ አዜ ዲብ ክርክቦት እተ ህለየ መዳርሰ ቦርዲን እግል ለጊሰ ልትጀበረ ሰበት ዐለየ፡ ለአትካርመ፡ ክም ብዘሐ ደረሰ ዶል ትርእየ 600 ዲብ መድረሰት ህምቦል ወ700 ዲብ መድረሰት የካራዕ፡ እትለ ዳሕየት ዝያድ 1,300

አሰይድ እሰማሂል፡ “ብዕድ ክም ሸዑብ እለ መንጠቀት መናበረትን በዲር እብ ንዋይተ ለዐለት፡ እሊ አርድ እሊ ብዘሐት አሐ፡ እንሱ አግል ወአግዕ ነብር እቱ ዐለ፡ አዜ ላኪን ለንዋይ ኢህለ፡ እሊ ባካት ለሐርሰው ብዘሐ ኢኮን፡ ሐድ ዲብ አጥራፍ መሓዛት ለገብአቱ ለህለ እለ፡ እለ ለህለ እተ አዳም ህዩ እንዴ ደርሰ ከአፎ ምን ድራሰት ለአሰተፈድ፡ እምበልሁ እሊ ምን ሕዳድ ለመጽኦት ሐድ ዐፍሽ ትጃረት እግሉ ለገንሕ ወእለ እሰትብዳት እግልን ለህሌት ሸቅለት ካድም እብ ነብረ ሌግብ ሸዑብ ክም መናበረት ገንሐ ለህለ፡ እለ ትርእዉ ሐድ ክም ሱግ ፍቶሕ ለህለ አብያትመ ምን ገብአ ሸቅል ወእተይ ለህለ እቱ ኢኮን፡ ሰበት እሊ፡ ሸዑብ እለ መንጠቀት ሕኩመት እለ ትቀድር ዋድየት እሉ ምንመ ህሌት፡ እንጠልቡ ለህሌት ናይ ማይ ከደማት እግል ልትወሰክ እግል፡ ናይ እትሳላት ወመዋሰላት እግል ልግበእ እግል፡ ከምስልሁመ እለ እሰብዳት እግልን ለህሌት ናይ ሸቅል እብ ነብረ እግል ቲዚድ ወተአተላሌ እግል፡፡

እለ መንጠቀት እለ ቀደም መትካምካም ሸዐበ ከደማት እግል ልርከብ ብዘሐ ልትዕብ ዐለ፡ ክም መስል መጃል እዳረት ሐዘ ምንገብእ ገሌ አሰክ ክርክቦት እግል ለጊሰ ወገሌ አሰክ አሰማጥ ከምስልሁመ አሰክ አቁርደት እንዴ ጊሰ እብ ብዘሐ ተዐብ ከደማት ረክብ ዐለ፡ ምን ጃንብ ሕኩመት ለለትሐዜ ሐብሬ ትረከበ ምንገብእመ፡ እግል ተአብጽሕ እቱ ሰኒ ሰዳድቱ ለዐለ፡ ክሉ እግል ልምጽእ ሰበት ኢቀድር ህዩ ሐድቱ እት እዳረት መጽእ ለዐለ፡ አዜ ላኪን እንዴ ትከምከመ ምን ቅሩብ ከደማት ወእዳረት ረክብ ህለ፡ እለ መንጠቀት ሸዑብ እግል ልጀማዕ እተ ሰልፍ ክም እዳረት ዲብ አቅሊም ዐንሰበ እንዴ ህሌት ተክጢጥ አርድ እንዴ ገብአ እግል አሰተብዳት፡ ምናተ ለአርድ ዲብ ሸዑብ ሰበት ኢትወዘዐ ንታኬ ህሌት፡ ኩሉ እዳም እግል ልብኔ ለሐዜ ሰበት ህለ” ልብል፡፡



ህምቦል ቀጨጭ ወ100 ነፈር እግል እዳረት የካራዕ ሰበት፡ እሊ ህዩ ካሬ ይህለ፡ ክም ዳሕየት ምን ሕኩመት እግል ትርከቡ ወለጅብ ከደማት እጅትማዕየት ናይ መዳርሰ ህለ እግሎም፡ ናይ ዕያደት ከደማት ካሬ ምንመ ኢገብእ፡ ህለ እግሎም ወናይ ማይመ እተ ክምልሁ፡ ማይ ነዲፍ ለሰቱቱ ጋብእ እሎም ህለ፡ እግል ልትወሰኩም ለልሐዘው ኢገብአ ምን ገብእ፡ እለ ናይ ሸቅል እብ ነብረመ ምስል መትካምካም ምን ከደን እንዴ ትረክ እግል ልትወሰክ ወእግል ለአተላሌ ምራዶም ውቁል ቱ፡፡

ደረሳይ ነአደርሰ ህሌት፡ እት እንብል መሻረከት አዋልድ አንሳት ምን 8ይ ፈሰል ወለዐል ሐቆ ለንአክድ እተ ደረጀት ኢአብጸሕ፡ እሊ ጋብእ እግልን ለህለ መዳርሰ አሰተፈድነ ምኑ እግል ልትበህል ኢልትቀድር፡ ከለሐል፡ ሕኩመት ምስል እሊ ለህለ እግልን ብዘሐ ደረሰ እትለ ኦካንት አሰክ 11 ፈሰል ለትአደርሰ መድረሰት ምን ወዴ እግልን ለመሻክል ሐል ወረክበ እንብል፡ አዋልድ ልግበእ ወውላድ ምን መድረሰት ፋግራም ለህለው እንዴ ጀበርናው ወአድረሰናሆም ለልብል አፍካር ህለ እግል፡ እብ ፍንቱይ ህዩ ለአዋልድ ወአድረሰናሆን እምብል፡ ሰበት እሊ፡ እለ ሕኩመት እግል ትርእየ እግልን ነሐዜ” ልብል አሰይድ እሰማሂል፡፡





መጅልስ አምን ወለዛልም ቀራራቱ ድድ ኤረትሮ (35ኛ ክፈል)

እብ ዶ/ር አሕመድ ሐሰን ድሕሊ ተርጅመኝ፣ መሐመድ እድሪስ መሐመድ

ራብዓይ ምዕራፍ ምጅልስ አምን ወኤረትሮ ሰብብ ቀረርት ወረፊዕ መኔዕ ሚ ቱ?

እድንያይ ምጅልስ አምን ዲብ ዮም 14 ኖቨምበር 2018፣ እግላ ዲብ ዮም 23 ዲሰምበር 2009 ዲብ ረአስ ኤረትሮ እብ ቀራር ዕልብ 1907/ላላሪፊ ዲብ ቀራር ዕልብ 2444 እብ ታመት ክርን ራፍቡ ህለ። ቀደምላ ናይ አማን ሰብብ ቀደምትን በገ፡ ምጅልስ አምን እግላ መኔዕ እግላ ሓላፊት ወረፊዕ ለቀደመዮ አሰባብ ሸሬሕ ምህም ተ።

ቀዳማይ፡- ሰብብ ቀረርት መኔዕ ለመኔዕ እግላ ቀረርት ለቀርብ ሰብብ፡ ክምሰል እብ ቀራር መኔዕ ዕልብ 1907 ህዱግ ለህለ፡ ዲብ ሓቲ ንቅጠት እንዴ ትጨመመ እግላ ልቅረብ ቀድር። ህቲ ህዬ “ኤረትሮ እግላ ዲብ ሶማል ዐመልየት ሰላም ወወጠንያይ ዕራት እግላ ዐንቀፎት ወመስኩብት መንጠቀት እግላ ሐምረጎት ለሸቁ ሙሰልሐን ሐሸመት፡ ናይ ሰያሰት ማል ወሎጂሱቲክ ሰዳይት ተህይብ ህሌት” ለልብል ተ።

ካልኣይ፡- ናይ ተምሳል ሰብብ መኔዕ እግላ ርፍዐት

ምጅልስ አምን ዲብ ሐላፊዮ ቀራር ዕልብ 2444፡ እግላ ዲብ ረአስ ኤረትሮ ለጸንሐ ናይ ስለሕ መትዛባይ ወጀመዶት ሰላዲ ወሰፍርያት መኔዕ እግላ ርፍዐት፡ ክልኤ አግደት አሰባብ ቀደመ።

1. ምጅልስ አምን፡ “እግላ ዕብል 16 ወ17 ቀራር መኔዕ 1907 ናይ ሰነት 2009 እንዴ አሸረ፡ መራቅባይ ሐሸም ዲብ እሊ ናይ አዜ ሰልጠቱ ልግበእ ወዲብ ሐልፈው አርበዕ ናይ ሸቅል ሰልጠቱ፡ ኤረትሮ እግላ ሐረከት ሸባብ ክምሰል ትሰዴ ለለአክድ እሰባት እግላ ልቀድም ኢቀድረ” ዲብ ልብል ሸርሐ።

2. ምጅልስ አምን፡ “ለዲብ ኤረትሮ ምን ተዕዲን ለልትረከብ እተይ እግላ ምተጠርፊን ሐረከት ሶማል ሰዳይ እግላ ኢትትህዮብ ቀራራት 1844 [2008]፣ 1862 [2009]፣ 1907 [2009]፣ 2023 [2011]፣ ሰበት ሐሸመ ሚዛን ዛይድ ልትህዮብ” ልብል።

ዲብ እሊ እብ ሸፋግ ለልትረፊዕ ሰኣል ዐቢ በገ፡ “ መራቅባይ ሐሸም ሶማል ወኤረትሮ” ሐቀመ ኤረትሮ እግላ ሐረከት አልሸብናብ ክምሰል ትሰፊ ደሊል ሳብት ኢትረከቡ ዲብ እሊ ክምሰልሁ ህዬ ምን ተዕዲን ለትረከብ ሰላዲ እግላ ቀራራት ምጅልስ አምን፡ ዲብ

ኪደት ለገብእ ልግበእ ዶር ለኢ.ዐለ እለ ገብአት ምንገብእ፡ እግላሚቱ ምጅልስ አምን እግላ ሰያሰይ፡ ዲብሎማሲያይ፡ እቅትሳድያይ ዐስከርያይ ወናይ ዐቅልየት ደረር ለዐለ እሊ ኢዳድል ወኢቃትናይ መኔዕ ዲብ ረአስ ኤረትሮ ቀረረ? ዝያድ ክሉ ለለአትፊክር ህዬ፡ ለእግላ እለ ሰያሰት እለ ዲብ ቀረርት መኔዕ ለወደወ ሰያሰይት ጀራመት እግላ ሸዐብ ወሕኩመት ኤረትሮ ዐፎ እንዴ ኢልሰአሎ፡ መኔዕ ምን ኤረትሮ ርፍዐቱ እብ ፈረሕ ክምሰል ልትከቡቱ ሸርሐቶም ተ። እሊ እግላ ኤረትሮ እግላ ምጅልስ አምን ሐቀመ ሸኬት አው ጠልበት እግላ ትርከቡ ለዐለ እለ መዕነውያይ ወማልያይ ከሕሰ አው ተዕደድ እበ ከሰስ እንዴ ኢንትግራ በህለትና ተ።

ለአማን፡ እዳረት አሚሪክ ምሰል መንዘመት ኢጋድ፡ እተሓድ አፍሪቀ ወምሰል ገሌ ዳይማት

አባመ፡ ቀድየት አፍሪቀ እብ ናይ ንዛም ወያኔ (አቶብዩ) ወካለ እግላ ለደየር ለተበወ እስትራተጅየትተ ለልተንኩቡ፡ ኤረትሮ ዲብ ሰያሰይ ቀራረ ሕርየት ታመት ሰበት ቡ ክእን ላተ እስትራተጅየትም እት ፍዕል እግላ አውዐሎት እግላ ኤረትሮ ክምሰል አግደ መታክልተ ለረአው። ኤረትሮ እብላትፊናተ ታሪካይ፡ ሰያሰይ፡ ዐስከርያይ ወሳይክሎጂያይ አሰባብ ዲብ ሐንቲ ሰያሰይት ጅቡት ወኪል አቶብዩ ክሉ ረአሱ እግላ ትእቲ ሰበት ኢቀድረት ህዬ፡ እሊ ለትብህለ እዳራት አሚሪክ ወናይ መንጠቀት ወኪሎም ንዛም ወያኔ እግላ ልራቁበ እግላ ልጸገጦ፡ እሊ ኢትሰርገለ ምንገብእ ህዬ እግላ ወጠንያይ ንዛመ እንዴ በደለው፡ እግላ ናይ አቶብዩ ወኪል ወእብ ወካለት ለለአገዘቱ እዳራት አሚሪክ ለክድም ጃሱስ ንዛም ዲብ ኤረትሮ እግላ ትክለት ትበገሰው። ለሐልፈው ሰለስ አንዘመት ድድ ኤረትሮ ለተበወ እስትራተጅየት አሚሪክ ምን እሊ ለተሌ ሰማን አግደ ንቃዋ እንዴ ትጨመመ

ምናተ ውካለት አክባር ሮይተርስ ምን አዲስ አበባ ክምሰል ተሐብሩ፡ ሚርሐት ወያኔ እብ አውለውየት ህዬ ርአሲ ወዘረአም መለስ ዜናዊ ዲብ ዮም 21 ኣፕሪል 2011 እብ አሳሰለ እግላ ፈዳልየቱ ለትየመመ እቲ ዶር፡ እብ ውካለት ለሸቁ ጃሱስ ንዛም እግላ ተኪል እግላ ወጠንያይ ንዛም ኤረትሮ እግላ በደሎት ክምሰል ሸቁ እብ ዋዴሕ ሸርሐ። ምናተ ኢትሰርገለ።

3. እግላ ኤረትሮ እብ አሳሰለ ፍንገህ ወአቶብዩ ለክልቀው ናይ ኢሰላም ወኢሐርብ ቲለል፡ እቅትሳድ እግላ ጨሚም ወዐስከርያይ መቅደረተ እግላ አትሐዋን እበተበወ እስትራተጅየት፡ ትሉሉይ እዳራት አሚሪክ እግላ እትፋቅየት አልጅዛኢር፡ እግላ መስኦልየት ምጅልስ አምን እግላ ሚሳቅ መንዘመት ምጅልስ ቅራን እንዴ ኪደው፡ እግላ ዲብ ዮም 13 ኣፕሪል 2002 ለትቀረረ ናይ ደንገበ ወመቀይዳይ ቀራር መፈወደየት አሸርት ሕዱድ ፈዳልየቱ ለረፍደ

ዲሰምበር 2000 ፍንገ ኤረትሮ ወአቶብዩ ለትፈረመት እትፋቅየት አልጅዛኢር፡ እድንያይ ምጅልስ አምን ለለትሐዜ ዶል ገብእ ዲብ ሚሳቅ መንዘመት ምጅልስ ቅራን ምዕራፍ ሰቦ እንዴ ተንከበ እግላ ቀራር መፈወደየት አሸርት ሕዱድ ናይ ቀሰቦት መስኦልየት ዐለት እሊ። ምናተ ሕ'ሱ እንዴ እብደ ትም እግላ ሊበል ሐረ። ሰበት እሊ እለ ቀድየት እለ ለእግላ ናይ መንጠቀት ወኪሎም ንዛም ወያኔ ታምም ሰያሰይ ሕጌ ለወደው እዳራት አሚሪክ ሌጠ እበይናም መስኦልየት ለረፈያ ኢትን። ዝያደት ለተርፈየ 14 አዕድ ድወል ምጅልስ አምንመ አክል ሕድ መስኦልየት ለረፈ.ፃ ተን።

5. እሊ መደምራይ ሰያሳት እሊ፡ እብ ሰባት ወመጋብህት ሸዐብ ኤረትሮ ወሕኩመቱ ወቅዋት ድፍዑ ክምሰል ፈሸለ ህዬ፡ ለእግላ ሕርየት፡ እስትሓል፡ ዐማር ወዐቦት ኤረትሮ ለልጸበእ ድወል፡ ዌዳት መጅተመዕ ኤረትሮ እግላ ልሰበረ፡ እብ ውላድ ሚን አደም ለታጅር ከረርም እንዴ ከወነዮ፡ እግላ አግደ ደማን ወጠን ላቲ ኤረትሮ ደማን ዐዱ ክምሰል ለጅእ ሸቅልን እንዴ ቤለየ ጸብጠያሁ። እዳራት አሚሪክ ህዬ ግረ እንዴ ትወለበው፡ እብ ገበይ ወኪሎም ሸለ ኪሰሩሱ ዲብ ጁን 2012 “ሕኩመት ኤረትሮ ሕቁቅ እንሳንየት ከይድ ህሌት” ለልብል ዲብ ሐሰት ባይነት ለተአሰሱት ሸክወት አሰሰው። ምናተ ሐሰት ዕምር ሰበት አለቡ እለ ባይነት ሐሰት እላመ ሐቀ ሰስ ሰነት እብ ፍንቲይ ዲብ ዮም 13 ኣክቶበር 2018 ምጅልስ አምን ናይ መንዘመት ምጅልስ ቅራን እግላ ኤረትሮ ክምሰል ነፈር ምጅልስ መትጻጋይት ሕቁቅ እንሳንየት ክምሰል ሐረየ፡ ክምሰል ክሉ ብዕድ ለመሀዘው ሕሰይ አቀለዐት። ሰበት እሊቱ ህዬ እሊ ሐደሰ እሊ፡ ኤረትሮ ምን ክሉ ዌማት አክባር እምበ አምርቱቱ ወለ እብ ሀደፍ ነሸራሁ ለዐለየ ሸክዋት ሕር ክምተ ለለአክድ ደሊል ሳብት ተ።

6. ለልትረኡ፡ ለልሰመዕ ወለልትቀረእ ኤለክትሮኒካይ ወሳኢል እዕላም ኤረትሮ እግላ ሸይጠኖት ዲብ ክሉ ናይ መንጠቀት፡ ቃረት ወእድንያይ ጅልሳት ሕብረ ሕመት እግላ ዳካት፡ ወቀይን እንዴ ቤለየ ጸብጠያሁ። እሊ ዌማት አክባር እሊ እግላ ብዝሓም አንፋር እግላ ረይም ስኒን እግላ ልቅሸሸ ምንመ ቀድረ፡ እግላ ክሉ አዳም ዲመ እግላ ልቅሸሸ ላኪን ኢቀድረ። ፋሸል ደዳያት ዲብ ክሉ መጃላት ዲብ ልትፈደሕ ወዲብ ቀልልቱ ለገሰ።



አዕፊ ዲብ ምጅልስ አምን ከይነት ክምሰል ሐብከት፡ “መራቅባይ ሐሸም ሶማል ወኤረትሮ” አሰክ ምጅልስ አምን ናይ ሐሰት ተቅሪር ዶል ቀድም፡ ምጅልስ አምን ህዬ መሃመ- እት ፍዕል እግላ ለውዕል፡ ዲብ ፈር ወንተር ዲድ ሚላድ 2009፡ እግላ ሸዐብ ወሕኩመት ኤረትሮ ለትሰመመ ህዮብ ቀደመ እቲ። ክምሰል ልትአመር ክምሰል ከረ ናብየ ላተን ገሌ ድወል፡ ድድ ኤረትሮ መኔዕ እግላ ልግበእ ሰውቶተን ሐራ አተዐሰዮን።

ሳልሳይ፡- መኔዕ እግላ ቀረርት ለአትሻከተ ናይ አማን ሰብብ

አሳሰ ናይለ እብ ምጅልስ አምን ዲብ ረአስ ኤረትሮ ለትቀረረ መኔዕ፡ ዲብላ ሐልፈው ሰለስ እዳራት አሚሪክ በህለት እዳራት ርአሲ ቢልክልንቶን፡ እዳራት ርአሲ ጆርጅ ቡሽ፡ እዳራት ርአሲ በራክ

እግላ ልቅረብ ቀድር።

1. እግላ ኤረትሮ ምሰል ግዋሬህ ላተን ድወል ናይ ሕዱድ መሻክል፡ እንዴ ፈብረክክ ምሰል የመን እብ ሰበት ጀዛይር ሐኒ ዘቁር፡ (ዲብ ሰነት 1995)፡ ምሰል አቶብዩ እብ ሰበት ባድሚ (ዲብ ሰነት 1998)፡ ዲብ ደንገበ ህዬ ምሰል ጅቡቲ እብ ሰበት ዱሚረ (ዲብ ሰነት 2008) ክምሰል ትጻገሽ እንዴ ወደው፡ እግላ ከሪመ ሸቀው።

2. ንዛም ወያኔ ምን (2002-2018) እግላ 16 ሰነት ዱቅሪ ልግበእ ወእብ ወለት ገበይ ታሪክ ንዳል ሕርየት ለቀይአዮም ዐናሰር እንዴ ወደ መስኩብት ወሰላም ኤረትሮ እግላ ሐምረጎት እግላ ልሸቁ ለህለፈው ሰለስ አንዘመት አሚሪክ አትናየተዮ። ለቀድየት ላኪን እብሊመ ይአክተመት።

ንዛም ወያኔ ዲብ ምጅልስ አምን ሰያሰይ ሕጌ እግላ ልግበእ እሊ ቀረረው።

4. ለምጅልስ አምን ዲብ ሰነት 2009 ዲብ ረአስ ኤረትሮ ለሓልፊዮ መኔዕ፡ ኤረትሮ እብ ሚደት 51 ሚሳቅ መንዘመት ምጅልስ ቅራን ምን አርወሐተ እግላ ትጻፊዕ እግላ ትሰመሐ እግላ ሐቅ ጀላብ እግላ ኢትትህፊዕ፡ ሰለሕ ወዐስከርያይ አላት እግላ ኢትዛቤ ሐረመዮ። እብ ቃብል እሊ ድድ ቀራር መፈወደየት አሸርት ሕዱድ ኤረትሮ ወአቶብዩ እንዴ በዋረ ሰያደት ምድር ኤረትሮ ለወ'ረ ንዛም ወያኔ፡ እግላ ዋሸንግቶን ጽጌዕ እንዴ ወደ እግላ ምጅልስ አምን እንዴ ተሐድ፡ ለትፈናተ ጅንሰ ሰለሕ እግላ ልዛቤ ቀድረ። ክምሰል ልትአመር እብ አሳሰለ ዲብ ዮም 18 ጁን ወ12

ክድመት መርከዝ ዓፍዩት ክርክቦት

ኤስሮም ተክሌ መብራህቱ ዕልም ዓፍዩት ገቢል ለደርሰ በዐል ምህንቲቱ። እት ምዴርየት ክርክቦት -አ/ጋ/በርክ ሆዩ እብ ምህንቲ ሸቄ ሀላ። ሐሽም ሳክፍዩን ጀራይድ ኤራትሮፕ ምሳል መሰውሮም እት ሐልፊነ ወርሕ ኣጎስት ኣስክለ ኣቅሊም እብ ሸቅል ፍፍራም ዲብሊ ዐለው እቲ ወክድ ምሳል ኣሰይድ ኤስሮም መብራህቱ እምሕቡራም ዐለው። ወራታት መርከዝ ዓፍዩት ክርክቦት ኣብረሀ እሎም። ከኢሊ ተሌ ክቲብ ምን ህቲ ሀብዩ ሐብሬ ለትክምከማቲ። ቅራኣት በኪተት።

መርከዝ ዓፍዩት ክርክቦት እግል 41 ኣልፍ ሸብሊ ክድመት ለሀይብ። እትለ ምዴርየት ስህ መኣሰሳት ዓፍዩት ሀላዩ። ለሐምሰ ዕድሜት(health stations) ገበኣ እት ሀላዩ። ለክምክመን ሳድሰን ሆዩ መርከዝ ዓፍዩት ክርክቦት ቱ። ለመርከዝ ክዳማቲ ብዙሕቲ። ኣካን ክሸፍ (OPD) ናይ ኣጀኒት ወዑብያት። ሐማይም ለረግዶ እቲ ቅረፍ። መራዕየት ቀደም ወግረ ወለድ ወአውለዶት። መርመረ ኤች ኣይቪ ለትወዴ ወእግል ልትመርመሮ ኣው ምሳል ሻይረሰ ለትበሮ ሐብሬ። ምክር ወነሲሐት ለተሀይብ ሀይኣት ሀሌት። ሳቦራቶራ። ፈርመሽየት። ኣካን ክታብት። 24 ሰዐት ፍትሕት ላተ ክድመት ራድኢት ሻፍገት (emergency)። ክድመት ኣምቡላንሰ ሀላ እግሉ።

እብ ዓመት እት ምዴርየት ለሀለው ሰብ ምህንት ዓፍዩት 42 ገቡእ እት ሀላው። ለሐምሰ ምኖም ነርሳት ኣውለዶት(ሚድ ዋይፍ) ገቡእ እት ሀላው ሰለሰ ምን ሐምሰ እት መርከዝ ዓፍዩት ሀላው። ምሮ ዓልም ዓፍዩት ገቢል። ክልኣት ኤምረት ፈርመሽየት። ወለተርፈው ሴድየት ኔርሰ ቶም። እሎም ሸቃለ እሎም ሕዴ ወግድዐት ምንመ ብእቶም ለክድመት ሰኒ ለኣገዳሰ ሀላው። ለዕድሜት ሰል-ሰለሰ ሐኪም ብእተን ወሐቲ ሌጠ እብ ክልኣት ሐኪም ትሸቁ። ኣምቡላንሰመ ሐቲ ዲብ ኣማይት። ሐቲ ዲብ ኣፍ-ህምባል ወሳልሰ እት መርከዝ ዓፍዩት ክርክቦት እብ ጀሚሶ ሰለሰ ኣምቡላንሰ ሀላዩ።

እት ረኣሰላ ሐካይም መኣሰሳት ዓፍዩት። 36 ወኪል ዓፍዩት ሀላው። እሎም እብ በርናመጅ መራቀብት መላርየት ለትየመመው። ለትፈናተ ደውራት ድራሰት ዓፍዩት ለነሰአው። ቅርኣት ወክትብት ለለኣምሮ ወተቅራሮም እግል መኣሰሳት ዓፍዩት ለለሀይቡቶም። እግል መላርየት ልራቅቦ ምንመ ትየመመው እሎም ወካይል ዓፍዩት እት መራቀብት ቲቤ። ታብያት ክሸቦ ኣዋልድ። ነዳፊት ድዋር . . . እት ክሉ ሸቄ ወመቅርሖም ምሳል ዕድሜት ቱ። ኣቅሊም ዲብ ሰነት ክልኤ ዶል ተእሂል ለሀይቡም። መርከዝ ዓፍዩት ሆዩ ዲብ ክል ሰለሰ ወሬሕ ሐብሬ ሓዳሰ ምን ተሀሌ ለኣሰእሎም

ምን ኣሀሌትመ ኣምሮም እግል ልትሐደሰ ተእሂል ለሀይቡም።

ኣሰይድ ኤስሮም እብ ቤለዩ። እብ መቅየሰ ናይ ውዳረት ዓፍዩት እል ምዴርየት ለከፍየ መትሻቀዩ ዕንድቅት ተ። እት ብዕድ ብዙሕ ለኣሀላ ሆዩ ዕድሜት ቅደሰ ሂምግሎቢን ለመርምር መትሻቀዩ ብእተን። ኣድውየትመ ሐት-ሐቲ ዶል ሕዳን ምንመ ኣልትሐገል መሕገዝ ኣሀላ። ለምዴርየት እት ሰነት ሰለሰ-ኣርበዕ ዶል ትሰረፍ።

ሸዐብመ ኣምሩ ወፈዛዐቲ እት ራዕዮት ዓፍዩቲ ዶልክ እት ለዐቤ መጽእ ሰበት ሀላ ለመኣሰሳት ሰኒ ልትነፈዕ ምን ሀላ። እግል መሰል እት ኣውላይ ሰሰ ወሬሕ ናይ ሰነት 2024 ዝያድ 17 ኣልፍ ወ500 ሸዐብ እግል ክሸፍ መጽእ። 174 ነፈር እንዴ ኣክረረው ተሐከመው። 654 ሆዩ እት ኣካን ራድኢት ሻፍገት ትረኣው። እሊ ምሳል ናይ 2023 እት ልትቃረን እብ 13 ምእታይት ዜደ። እሊ ሆዩ ለፈዛዐት እት ተዐቤ ትገይሰ ክም ሀሌት ወለውዳረት ዓፍዩት ወሰብ ሸርከተ እምበል ሕላሌ ለሀይቦ ለሀለው ድራሳት ወመዕሉማት ፍሬ ለሀይብ ክም ሀላ ለኣሸር።

እግል መሰል ክታብት ምን ናይ ደዓም እትሎም ሰሰ ወሬሕ እብ 23 ምእታይት ዐቤ። ለገብኣት ዐምሳት እት ዕድሜት ሌጠ እግል ትውለድ

ክም ከረ ኣጉማይት። ኣታይ። ለኮዩብ ክደን ሰበት ቱ ለእማት ዕድሜት እንዴ ቀርባዩ ኣሰክ ወልደ እትሊ ኣብያት ጸነሐ። መርከዝ ዓፍዩት ክርክቦት ድርፈ። ህልክ ወአመላየት ለልትብሀላ ሰለሰ እዳረት ደዋሐ ዱቅሪ ምን ልትነፈዕ። እብ ዓመት እት ፈሀም ወመትነፈዕ ናይላ ሸዐብ ተቅዩር ልትረኤ ምንመ ሀላ። እት ውዳረት ዓፍዩት ለተሐዝዮ ሀደፍ ብጹሕ ሰበት ኣሀላ ለጅህድ እግል ልተላሌቱ።

ለምዱድ ሀላ ክዳማት ሐድ ምንመ ኣኮን እት ቤት ለትወልድ እሲት ኣሀሌት እግል ልትብሀላ ኣልትቀደር። ኣማንተ። ለክምከማት ከረ ህምባል። ሀማሽ ድብ ወክርክቦት እት ቤተ ለትወልድ ዐምሳት ኣለበን። ገሌ ዐዶታት ላኪን ምን ዕድሜት ረዩምቲ። እት ዕድሜት ኣታይ ለትክምከም ሀረናይት ምን እነሰእ ምን ኣታይ 80 ኪሎሜተር ራይመት ተ። ዕድሜት ኣጉማይት ለትክምከምን ሀወ ወሀራሬት ዐሰርታት ኪሎሜተራት ራይማት ተን።

ለዕድሜት ሰበት ኣለረግድ። ለረግድ ኣውመ ዐረድ መቅደረተን ላቲ ነፈር እት መርከዝ ዓፍዩት ክርክቦት ልኣልፋሁ። ህቲመ ለዐል ቅድረቲ ላቲ ኣሰክ እሰብዳልየት ኣቅርደት ልኣልፍ። ለገበይ

በጽሐት ትክትብ ወክሸፍ ቀደም ወለድ ትወዴ።

እትለ ምዴርየት ብዙሕ ለልትረኤ ሕማም መላርየት ወሐዝ ደንግ(ዌልካም) ገብኣ እት ሀላ። ፍጋር ወብዕድ ሕማማት ዐደዮመ ሀላ። ቅሩብ ሶዳን ሰበት ተ። ሕዱድ ለልትዐዴ ሕማማት ዐደዮ ክም ከረ ያብሶ መሰል እግል ኣልቅነጽመ ታያን ወመታብዐት ትገብኣ። እት ሐልፊት ሰነት ዲብ ኣማይት ዲብ ኣሮ ጅን ኒፎ ርኢት ዐለት። እብ ትረከብ ተቅራር ኣገድ ምሰዳር ትነሰኣት ወእተ ወርሐ ለፊራሮ ክታብት ኒፎ ወሩቤለ መጽእ ከክሎም ምን ሐምሰ ሰነት ወተሐት ዕምሮም ኣጀኒት ሰበት ትክትብው ለቀንጸት ገሸለት የዐለት።

ምሮ ገቢል ኣተላላይ ሀላዮቲ እግል ለኣድምን ገኣ ምንገብኣ እት ኣጀኒት ለሐሰት ፊራሮ እግል ሊዱ ቡ። መኣሰሳት ዓፍዩት ክርክቦት ጅን እት ኩብድ ዲብ ሀላ እብ ዓፍዩት እግል ልዕቤ ወልትወለድ እሙ ራዴ እሉ። ክም ትወለዳመ ምን ሕማም እግል ልንጌ ክታብቲ እብ ዋጅብ እግል ልርከብ እት እላ ሀላ ገይሶ። ገርቡ



ኔርሰ ኤስሮም ተክሌ መብራህቲ

ለመርከዝ ዓፍዩት ሆዩ ክል ሰንበት ንኢሽ ጸሬ። በረኪነ ለትሰኔዕ ኣለት ብእተ ወለብዕደት ቅድውት ወመሻቀዩ ነዳፊት ሸዐብ ለሀይቡ።

ለሸዐብ መንበርሁ ምሳል ንዋይ ሰበት ገኣት ምን ንዋይ እት ኣዳም ለለዐዴ ሕማማት ልትረኤ። ብሩሴለ (ሕማም ቅልጺ) ብዙሕ መራት ለሳድፍቲ። በዲር ለመመርመሪ ዲብ ኣቅርደት ሌጠ ሰበት ዐላ። ነፈር ሸክ ለገኣ እቲ። ዲቡ እንዴ ጌሰ ልትክሸፍ ዐላ። ኣዜ ላኪን ለመርከዝ ዓፍዩት ኣለት ናሱ ራክብ ሰበት ሀላ መርመረ ምን ቅሩብ ወዴ ወሕመም ኣገድ ልትዳዌ ሀላ። ሕማም ነፍር እት ኣዳም ርኢይ ምንመ ኣሀላ ምንቃልሰ እት ኣሐ ሰበት ልትረኤ ለኣለፈርህ ኣኮን።

ኣሰይድ ኤስሮም መብራህቲ እት ደንገቤ። ለኢሊ ጸኖዕ መካሪት ምድር። ሕፍን ወቅማም ለበዝሐ እት ሓለት ሀወ እንዴ ከሀለው እት ክል ኣካን ፍንጠር ለሀላ ሸዐብ ምን ክድመት እግል ኣልትረፍ እንዴ ትጀሀደው ለወውቲን ለሀለው ሐካይም ወሴድዮቶም ወካይል ዓፍዩት “ነሐርኩም ኣልትደበኣ!” እት ልብል ፈሽ እሶም ወብዙሕ ሐመደዮም። እግል ልትመመ ለልሐዝዮን ጋራት ሆዩ ሀድገ። ኣድውየት ለኣሳሲ ወናይ ዳይም ሕማማት ክም ናይ ስከሪ ወደቅዋ መሕገዝ ኣሀላ። ለብዕድ ላኪን ዶል ልትወሐድ ሸዐብ እብ ሰላዲሁ እግል ልትዛብዩ ኣቀድር። እግልሚ ፈርምሽያት ኣሀላ። ክምሰ እት ብዙሕ ዐዶታት ለሀላ ፈርመሽያት ብሩር ወትፈተሐት እኔ። ምን እላ ግድዐት እላ ወትባለሕነ በሃል ቱ። ኣምቡላንሳትነ ካፊ ምንማቲ ለቅትን እነ ብትሮል እት ፊራሮ ክታብት ሰበት ልትብተክ ምንእነ ኣሰክ ኣቅርደት ለንኣልፎም ሐማይም ብትሮልኩም ምልኡ እግል ኒበሎም ንትቀሰቡ። ናይ ዐምሳት። ሸዐብ ናሱ ቃንጽ እቡ ምንገብኣ ለመሰኣለት በዲረ ሐል ብእተ። ኣመ ሐማይም ብዕዳም ክልዶል ወርጠት ትሳድፍ ሀሌት። ከመካሪትላ ምድር እት ሕሳብ እንዴ ኣተ ለናይ ብትሮል ሐዞትነ ወትወሰክ እነ መርሀዮ እግል ሕክምነ ወሕመም ወገብኣት ለትብል ልእከት ሓለፈ።



ገብኣ ለሀላ ተዕቢኣትመ ለኣውቄ ሀላ። መራዕየት ዐመሲ ለወድየ እብ 7 ምእታይት ዜደዩ። እት መኣሰሳት ዓፍዩት ለወልደያመ እብ 9 ምእታይት ወሰከዩ። እብ ምራድ ናሶም መርመረ ኤች ኣይ ቪ ወብዕድ እብ ጅመዕ ለለዐዴ ሕማማት ክም ከረ ሐለግ ወበጀን ለወዱመ ምን ናይ ደዓም እብ 18 ምእታይት ብዙሕ።

ክል ዐምሳት እት መኣሰሳት ዓፍዩት ሐንቴ ሐኪም ምን ኣጉብኣ እት ቤተ እግል ትውለድ ኣለበ ለልብል መምሬሕ ውዳረት ዓፍዩት እት ዐመል እግል ልውዐል ምን ኣትፋዘዕ እንዴ ኣንበትክ እት ኣዳላይ ክድመት ብዙሕ ጅህድ ገብኣ። ሰድሲተን ለመኣሰሳት። ረዩም ዕድሜት ለትበረ ዐመሲ ኣሰክ ወልደ ለጸነሐ እቲ ኣብያት ጋብኣ እለንቲ። እት ሕዱድ ሶዳን ለሀላየ

ኣላፎት ሐማይም (referral) ንዛመ እሙርቲ።

ፍድኢት እብ ከሰላ። ለእብ ፊራሮ ልትሀዩብ ከረ ኒፎ። ሩቤላ። ያብሶ ወሰረጣን ሰጋድ- ርሕም እንዴ ሐደግክ ዲብ ሳምን ሰሰ ምዕል ንዙም ክታብት ልትሀዩቡ። እት ወክድ ፊራሮ ክታብት ለሐብሬ እት ከሰሶ ሸዐብ ሰኒ ሰበት ትበጹሕ ምን እት ሀላ እት ንቅጠት ፍድኢት ልትጀመሩ። እግል መሰል ክታብት ሰረጣን ሰጋድ ርሕም ዝያድ 90 ምእታይት ዕውት ዐላ። እታመ ክታብት ንዝምት። ምን ዕድሜት ረዩም ለሀላ ኣጀኒት እግል ኣልትረፍ ምን ክል ወሬሕ ሐቲ ፍራረት ነዝመ። ዕድሜት ኣጉማይት ክም መሰል ነሰኣህ ምንገብኣ ብዙሕ መሳክብ ፍንጠር ኣሰክ ደንገብ ሕዱድ ሶዳን ከረ ሀረናይት ለልትብሀል ባካት እንዴ

ወዕቅሉ እግል ልዕቤመ ለቀድረ መራዕየት ወዴ። እብ ሕማም ልግበኣ ወቅዌት ኣውመ ደባር ቅዝ ለልውሕድ እቶም ኣጀኒት ክም ደረጀትላ ህማሮም ናብዮም። ወሰክ ሌጠ ለልትሐዝዮም። እት ቤቶም ለነሰኣም ፍንቲይ እብ ቅዝ ለርዙቅ ወሰክ ነብረ ለሀይብ። ሰኒ ድዮራም ለሀለው ሆዩ እት ዕድሜት እንዴ ኣሰክበ ኣሰክ ለትትሐዜ ደረጀት በጹሕ ተንትኑ። ዐቡቶም ከፎ ትገይሰ ክም ሀሌት ሆዩ ሚዛኖም ወብጥረቶም እት ቀይሰ ታብያም። እማት እብ ፍንቲይ ወዓይላት እብ ዓመት ገበይ መወኖት ጅን ለኣደርሰ።

ነዳፊት ድዋርመ ኣሀምየት ዐባይ ትትሀዩቡ። መትነፈዕ ሸቃቅ ወመንፈዐቲ ለከሰሰ መሓደራት ልትሀዩብ ወኣንደይት ድዋር እት ወሬሕ ሐቲ ዶል ፊራሮ ትገብኣ።

ሐብሬ



ደውለት ኤረትሮፖ ውዛረት ሐርሰ



28 ሰብተምበር 2024
አምዕል አስረቶት ሕግም መህረሽ



አይዋ! ሕግም መህረሽ
ምን ቅርዱ እግል ልትነቀል።
አክላብነ ንፈድእ!



ልእከት ውዛረት ሐርሰ፡ እብ ክሱስ እድንያይት አምዕል አስረቶት ሕግም መህረሽ

- ሕግም መህረሽ ርሶ ለጸንሐ ትሮፕካይ ሕግም መንጠቀትና ቱ። ሕግም መህረሽ ቁትላይ ምንግቱ፡ ክል-ዶል አክላብ ዲብ ትፈድእ፡ ለሕግም እብ ተማሙ እግል ተአስርቱ ለልትቀደር ቱ።
- እት ክል ሰነት፡ ቅያስ 59 አልፍ ለገብእ አዳም እብ ሕግም መህረሽ መይት። እሊ ህዬ፡ እት ክል ሴዕ ደቂቀት ዎሮ ነፈር እብ መህረሽ መይት በሀለት ቱ። ምን እሊ ዕልብ እሊ፡ ለ60 ምእታይት እት ድወል አሰዩ፡ ወ36 ምእታይት ህዬ ዲብ አፍሪቀ ምን ነብር አዳም ቱ።
- ሕግም መህረሽ፡ 99 ምእታይት እብ ንክሸት አክላብ መጽእ።
- ሰበት እሊ፡ ለታባሙ አክላብ እንዴ ፈደእነ፡ ሕግም መህረሽ ምን ምድርነ ነአስርት።

አይዋ! ሕግም መህረሽ ምን ቅርዱ እግል ልትነቀል፡ አክላብነ ንፈድእ!

ሸግብ



ነጃት ዑሰጣን

መቃብለት ምስል ዶክተራት ዓልያ እብራሂም (2ኛ ክፋል)

እንዴ የዓፌኑ ከርስ ገርብን ዓፍየት እግል ልርኩብ ኢቀድርኒ።

ሰአል፡ ከእግል ዓፍየት አፍ ትትረኩብ ሚ ሐል ወዳኩም ?

በሊሴ፡ እሙርቱ ለበሊሴ፡ ነዳፈት ተ።

ሰአል፡ ሐኪም አንያብ ምን ኢትገብኢ ሚ ወገብኢ?

በሊሴ፡ ሰሐፍየት እግል እግባእ ምን ንእሼ ምራድ ሰበት ዐለ እዬ ወዲብ ቤት መድረሰትም ክል ዶል ሙቀድማይት በርናመጅ(Host) እንዴ ገአኮ እሸቄ ዐልኩ። ሰበት እሊ ሰሐፍየት አው ሙቀድማይት በርናምጃት ወገብኢት እብል። ዲብ ሳወ ለናይ መሕበራይ ወጠቢዐታይ ዕሉም እንደርሱ ሰበት ዐልኩ። ማትሪኩም ኩሉ ምስል አምተሐናሁ። መደረሰንዬ እተ ናይ መሕበራይ ዕሉም አተጅህ መሰሎም ዐለ። እብ ፍንቱይ ናይ ታሪክ ምደርሼ፡ እንቲ አርክዮሎጂስት እግል ትግብኢቱ ልብሊኒ ዐለ። አወላይት ሰነት ዲብ ኩልየት ማይነፍሒ እደርስ እት ህሌኩ ናይ ሶሽዮሎጂ መድርሼመ

አሰመረ ሆስፒታል ሐሊበት በጽሑኔ፡ ወላስክ እሊ ዲቡ ህሌኩ። ዲብ ሸቅል እብ ፍዕል ዶል ተአቱ መረ ከም ክቡድ ናሰኡ ሰበት ጸንሕ እብ ፈርሀት ትሸዕር። ምን ቀደሚክ ብዙሕ እንዴ ሸቀው ዲብ አነን ሸቅል ለጸንሐኩ ሐኪይም (denta therapist) ብዙሕ ሰበት ደርሱ። እብ ፍዕል ክም አቱካሁ ቀሊል እንዴ ገአ ጸንሐኩ። ናሰኖስክ ምን ሕድ እንዴ ደርስ ተጃርብ ዲብ ወርስ ሰበት ገይሰ ቀልል እግልኩ።

ሰአል፡ እዚ ህዩ?

በሊሴ፡ ናይ ሰማን ሰነት ተጃርብ ቀሊል ኢኮን፡ ኩሉ ዲብ ረአሼ ለዐለ ጭቁጣት ትረፈዐ ምንዩ።

ሰአል፡ እብ ሰበት ናይኪ ሐያት ህዳይ ወዕያል ክምክምት ሐብሬ እግል ተህቢን?

በሊሴ፡ ክመ እሊ እቤለክ ለአወላይ ህዳይ እብ ዐድ ለመጽአ ወእብ ዐድ ለገብአቱ ወክልኦት ጅን ወለድኩ እግል ንትፋህም ሰበት ኢቀደርኒ ህዩ እብ መፋህመት ተሓደግኩ።

ሰአል፡ እዚ ህዩ ከአይ ህሌኪ?

በሊሴ፡ እዚ ምስል በዐል ቤቼ፡ ፈናን መሐመድ ዳፍለ እብ ፍቲ ወእሕትራም እነብር ህሌኩ።

ሰአል፡ ዲብ ፈን ለሸቄ እናስ እግል ትትህደይ ከአይቱ?

በሊሴ፡ ሸቅል በዘሕ ዲብ፡ ምስልዩ ህሊ ዲብ ትብል ሱድፈን እብ ሸቅል ልትላከው። ሰፈርመ መጽእ። ለሸቅል መረ ለአትዕብ። ላኪን ክልኢትን እብ ሸቅል ፈድወት ሰበት አሉብኩ። ዲብ ንትፋህም ወንትሳዔ እንገይሱ።

ሰአል፡ ሸቅል ቤት ከአይ ተዐሪቡ?

በሊሴ፡ ወለት አንሳይት እግል ሸቅል ቤት ለገብእ ወቅት ኢትሰእን። ኩሉ ተዐሪቡ ምን ሸቅል ብዕድ ለመኔዕ ኢኮን።

ሰአል፡ ሚ ለመሰሎ አክትብት ትቀርኢ?

በሊሴ፡ ምህንቼ ለለዓቤ አክትብት እቀርኢ። ናይ ሶሽዮሎጂ ናይ ሳይትሎጂ አክትብት እፈቱ። ጀሪደት ወመጀለት እቀርኢ። ዐሚለት መጀለት መንእሳይ አነ።

ሰአል፡ ሐብርት ወፈርሓኒት እንቲ ጠባይዕኪ እግል ሸቅልኪ እግል ልሸመሉ ቀድር?

በሊሴ፡ አወል ሽክረን። ወክመ ትብሉ ህሌክ እግል እግባእ ሐዜ። ሰበት ሕሙም ውጅዑ ሌጠ ኢኮን ለለአሰእለክ ብዕድ መሻክል ሐያቱም እግል ልዳግም እክ ለሐዜ። እብ ፋርሕ ገጽ ሐቀ ኢትከበትካሁ ብዕድ መሻክል ሐያቱ እግል ልዳግም እክ ኢቀድርኒ።

ሰአል፡ ምን ሸቅል ቅያብ ከም ኢትፈቲ ወዶል ዶልመ ናዩ ቃይጣም ሐኪይም ከም ትሸቄ ሐብሬ ራክግም ህሌኩ።

በሊሴ፡ ነፍሱ ለለሐሸምቱ፡ ሸቅሉ ለለሐሸም፡ ሰበት እሊ ቀደም ርሕዩ ሸቅልዬ እግል ሐሸም ህሊ እግልዬ። ዲብ ሐሊበት ለህሊው



አንፋር ሸቅልን እግል ናሰ ናሶም ለሰዱ ወእብ ሸቅሎም ሕሱራም ተም። ለአሮት ቀይብ ዲብ ህሊ ለካልአዩ ሸቅሉ ለአገዳ እሉ ወለ ጠዕም ናዩ ሸቅል ህቱቱ። ለሸቅል እግል ትፍተዩ ሐቀ ገአኩ። እግል ትሳዔ ወጅብ። ሰበት እሊ በይንዬ ለእወደዩ ኢኮን ናይ ኩልናቱ።

ሰአል፡ ቅያብ ዲብ ምህንት ሕክምና ከአይ ትርእዩ?

በሊሴ፡ ለዐበ ሽግእቱ፡ አዳም እንዴ ሐመ ወሱድፈን ገሌ እግል ልምጸእ ወእንተ እግል ተቁብ መረ ክቡድቱ። ደሚርመ ለረይሕ ኢኮን።

ሰአል፡ ለትፈትዩ ጠባይዕ ከአይቱ?

በሊሴ፡ በዐል ሰብር፡ ናሰሕ፡ መሰሉልየቱ ለለአምር አዳም እፈቱ። ቀሻሽ፡ ነፈር ይእፈቱ።

ሰአል፡ እግል አሰንዩ ወጅብሬ ለትብሊ ብኪ?

በሊሴ፡ ሐትሐቱ ዶል እሸፍግ። በዐል ሰብር ወክሃለት እግል እግባእ ሐዜ።

ሰአል፡ ናይ ምስተቅብል በርንምጅኪ ሚቱ?

በሊሴ፡ መድረሰት እግል እወስክ ሐዜ። ለእሊ ጸብጠት ህሌኮ ምህንት 'ሰፕሽያላይዝ' እግል ኢደዩ። ዲብ ሸቅል መትመራማር ወሕፍዝ እግል እሻርክ ንዩት ብዬ።

ሰአል፡ ዲብ ምክር ምህንት እግል ንሕለፍ። እብ አሰባብ እግል ነአንብት። አሰባብ ከራብ አንያብ ወአልሓይ ሚቱ?

በሊሴ፡ ለአግደ ሰብብ፡ ኢነዳፈት ቱ። ክም ካልኣይ ሞዑም አሸያእ እብ ብዘሐ ብልዐት፡ ከም ከረ ችካላተ፡ ፓሱ፡ ቶርተ፡ ሌክሌኩ ወብዐድ ዲብ አጀኒት እብ ብዘሐ ልትብላዕ። ሞዑም ለገአ ሓጃት እንዴ በልዐክ የአንደፎት ምን ኩሉ ለአኩ። አፋነ ቤት ባክቴርያቱ። እንዴ ኢልትፈህመን ነብረ ነአዳሌ እግሎም ህሌኩ። ሐቀ ኢነደፍነ ላዝም አንያብን ወአልሓይን ከራብ እግል ትሕሰል ዲቡ ቱ። ሰበት እሊ ለአወላይት ንቅጠት ሞዑም ሐጃት ኢብልዐት ወክል መረት ነዳፈት አፋነ እግል ንዕቀብ ህሌት እግልኩ።

በሊሴ፡ ለ መዲካል ስኩል እብ ዕሙማይ ዓፍየት ቶም ልትሐሰር ለዐለው። ሐቱ ሰነት ሕበር ዳርሳም ሰበት ዐልኩ። እብ ሰበት ዕሙማይ አምር ዓፍየት አፍ ለምቱ አምር ሕ'ዱድ እግል ልግባእ ክም ቀድር ቱ ጌማምን ለዐለ። ሕነ ህዩ አግደ ህደፍነ ዲብ ናይ አንያብቱ ለዐለ። ሰበት እሊ እት ዓፍየት አፍ ገሌ ለለአሰፍ ወለ ለአፈርህ መጣርቅ ክም ዐለ ለታብዐናሁ ወምስል መድረሰትን መትጸባዋ ለቡ ሕፍዝ ወመትመራማር ሐፈን።

ሰአል ተማም! እተየ ትትራኩብ ዐልኩም?

በሊሴ፡ ዲብ መድረሰት ካልኣይት ደረጃት በርካ ቱ እግል ሕፍዝ ንትራኩብ ለዐልኩ። ምን ደረሰ አንያቡ ሱስ ለአለም እብ አጫብዕ ቶም ልትዐለቦ ለዐለው። ዲብ



ገሌህም ህዩ መሻክል ዕስር ለዐለ እሎም ዐለው። ውላድ 13 ሰነት ምን ሱስ አንያብ እንዴ ሐልፈው ከራብ ዕስር እግል ልሳድፎም ለኢትጸበርም ቶም። መጅተመዕነ እብ ሰበት ዓፍየት አፍ ለህሊ እሉ አምር መራ ድሀር ክምቱ ፈህም። አፋነ አፍ ኩሉ ገርብናቱ። አፋነ

እግል አተላሌ ፍንቲት ጃኢዘት ለአመጽእ እዩ ዐለ።

ሰአል፡ እብ ከአይ ዲብ ሸቅል እድንዩ ተሓርኪኪ ለደረሰክዩ እብ ዐመል ከም ሸቄኪሱ ከአይ ረከብክዩ?

በሊሴ፡ ተውዘዕነ እብ ዕጽ ቱ ለዐለ። ለዕጽ ክም ረፍዐት ዲብ

ሰአል፡ እግል ሚቱ ሕክምን አንያብ ለሐፊኪ?

በሊሴ፡ አቡዬ ሐኪም አንያብ እግል እግበእ ለአትናይተኒ ሰበት ዐለ። ፍቲ ናይ እሊ ምህንት አለ ዲብ ደሚርዬ ዐለት። አናመ የአቤክወ ፈቱክወ። ወክመ እሊ እፈትዩ ዐልኮ ሳደፈ እግልዬ።

ሰአል፡ ድራሰት ሕክምን አንያብ ከአይ ዐለት?

በሊሴ፡ ሰኒ ረዩም ወለ ለአትዕብ ዐለ። ከሃለት ለአትሐዜኩ። ሕነ ዲብ መድሐራት እግል ንብጸሕ ዐስር ሰነት ነሰእ ምን። በህለት ዲብ ማይነፍሒ ሐቱ ሰነት ክም ደረሰኮ ዲብ ኩልየት ሕክምን አንያብ አቱኩ። ዲብ ኩልየት ሕክምን ህዩ ዲብ አወል 'ደንታል ስኩል' ምስል 'መዲካል ስኩል' ሐብር ሰበት ዐለ። እብ ዋጅብ አሰክ ልትአሰሱ። ሐቱ ሰነት ናይ ሕበር ኮርስ ነሰኣኩ። እት 2005 ማትሪክ ወዳኩ። 2015 ህዩ ትደሐርኩ።

ሰአል፡ ድራሰት ሕክምን አንያብ ትርድት ዐለት ትብደ። ከከአይ ሓለፍክዩ?

በሊሴ፡ ለሐሰ ለትብሉ እምበል ድራሰት እብ ብዕድ ለተሐሰብ እቡ የዐለ። ዲብ ምግብ ህዩ ዕምሰነ ወሕርሰነ ሳደፈ። አጀኒት እምዬ ተአጸንሎም ሰበት ዐለት መድረሰቼ የአትካረምኩ። ለአወላይ ሕርሼ ዲብ ማይነፍሒ ዲብ እደርሰቱ ለዐለ። ሐቀ ሕርስ ህዩ። ሐቀ ገሌ አውረሐት እግል አድረሰ ፈሰል አቱኮ ወዐራኩ። ለካልኣይ ህዩ ዲብ አወል ሰነት 'ደንታል ስኩል' ቱ ለዐለ። ለዶል ለሃመ ለኩልየት ዲብ መትአሳሰ ዐለት። ብዙሕ ለሐልፈኒ የዐለ። ምስል ናዩ 'ባቸ' እግል አተላሌወለ ሐቱ መሻክል ኢሳደፋኒ።

ሰአል፡ መድረሰትን ዕያል። ወአጀኒት-- ከአይ ዐለ መቅርሐ?

በሊሴ፡ ዕያልዬ ዲብ ነቅፈ ዐለ። ውላጄመ እግል ገሌ አውረሐት ምስልዬ እንዴ ዐለው። ሐቀሁ ዲብ እምዬ ነሰኣክም። ለመድረሰት ትርድት ከሃለት ወሰብር ለጠልብቱ ለዐለ። ለልትሐፈዝ ብዙሕቱ። ለደረሰካሁ እብ ዐመል እግል ተአርእዬ። ምስል ለልትኩብ ወልትቀረእ ኩሉ እግል ትሕፈዝ ሰኒ ትፋድ ዐለ። እብ ሰዳይት ዋልዳይቼ ወአትናዶት እናሼቱ ለመድረሰት እብ ዐውቱ እግል አትምም ለቀደርኩ።

ሰአል፡ ዲብ አክር መድረሰትኪ ለወዳክዩ መትመራማር ሚ ዐለ?

በሊሴ፡ ምስል ውላድ መጅሙዐቼ እብ ሰበት ዓፍየት አፍ (Oral Health) ሕነ ለሕፍዝ ወዳኩ።

ሰአል፡ እግል ሚቱ እብ ሰበት 'ዓፍየት አፍ' ሕፍዝ ለወዳኩም?

አዲስ ወግርመት

ኬትባይ = ያሱናሪ
ተርጂመት = የሰዓት እድራሰ አሜር

29^ይ ክፍል

“ሎትሰ” እት ሃብ ልትቃዎድ

“ካይት ክምእን ትቤ፦

- ምን በዐለ መዋዕም ምን ንትሰክል ሚ መሰለኪ? ሕን ምን ወቅት ለሀይ ወሐር አሰክ ደብር አራሽ የዐቅበልክ።

- አማንኪቲ። አነ ላኪን ደብር አራሽ እት ወቅት አውልቲ እትላ ትወቀሉት ደረጃት ግርመቲ ለበጽሕ መሰለኪ። እተ ወቅት ለሀይ ለማይላ ነሀር ምን ቅያሰ ወለዐል ሰበት በርድ። እተ እዋን አውል ምን ነአቀብል እቲ ለሌላ ዐለ።

- ከእለ ምን ገብእ አሰክ እዋን አውል እግል ንታኬ ብእትነ?

- አውልመ ረዩም ኢሀለ ሐቆ እለ።

- አበደን! ሕን አሰክ እለ እት ምግብ ሐጋይ ህሌ። ወሐቀሁመ ከረም ህሌት።

ኦቲኩ እት ትሰሐቅ ክምእን ትቤ፦ እትላ ገብእ ወቅት እግል ኒሊሱ እንቀድር። ወለ ፈጅርመ ምን ትብሊ ምሽክለት አለቡ።

- እለ ምን ገብእ ሰኒ! ፈጅር አሰኩ እግል ንገሰ ቲ! ወእግለ በዐለ መዋዕም። አነ ደብር አራሽ እተ ወቅትላ ሐጋይ ሰኒ ልትፈቲኒ እግል ኢባላቲ። ወእምበል ሸክ። እብ ሰም እዋን ሐጋይ እግል ተሐምደኒቲ!

- ወምሰሉመ እብ ሰም ደብር አራሽ!”

ካይት አሰክለ ነሀር እንዴ አቅመተት ክምእን ትቤ፦

- ኦቲኩ። እት እዋን አውል ክምእን ምሰል ለልትዛወር ሰብ ፈረሰ ለሀሉ መሰለኪ?

ለአማን ላኪን ዐደድ ለአለቦም ሸግን ልትዛወር ዐለው። ዲብላ ግንራራብላ ነሀር ሌጠ እንዴ ኢገብእ። ዲብላ ክልኦት ረሲፍ ለፍንጌ ነሀር ሚዘርጃ ወነሀር ካምቦ። ወፍንጌ እለ ሓርያይ ወምፍጋር ጸሓይ እንዴ ኢተርፎ ተሐት ወለዐል ልብሎ ዐለው። ለበዘሐው ምፍም ሰብ ሻማት ቶም ለዐለው። ወምሰል አንሶም ወውላዶም እግል ልትፈሰሐ ማጽኣም ለዐለው ህዩ ሰኒ ሐ-ዳም ዐለው። ምን ሰብ ሻማት ሸግን። ገሌሆም እደዮም እት አምዳይት አሕድ እንዴ ለዋለዉ ልትመሸው እት ህለው። ገሌሆም እገርም እተ ማይ እንዴ ቃመሸው። ጀፈር አሕድ ጉሱያም ዐለው። ወለ ዐደዶም አክለ ምድር መላተ ከሰኒ ወአማን ልትወሰክ ዐለ።

ኦቲኩ ክምእን ትቤ፦ እለ ብርድሰ አውል በታተን ኢልትቀደር።

- አሰክ ነሃየትላ አውል ጸንሕ መሰለኪ?

- ሚቲ ህቲ?

- ለሻማቶም። እምበል ሸክ ብዘሓም ምን እሎም ሸግባት እሎም እለ አውል ክምሐልፈ ዶል ሓር አሕድ እግል ልርአው ሸንሀት አለቦም።

ኦቲኩ ክምእን እት ትብላ ትሰክለት፦ ከእብ ክምእን ለትመሰል ገበይ ቲ ለተሐሰቢ እንቲ?

ካይት እብ እጃብየት ረአሰ ክም ነክነክት። ካይት ክምእን እት ትብላ አትዐራት፦


- እብ እለ ጋር እለ እግል ትሕሰቢ ለቀሰቢኪ ሰብብ ህዩ ሚቲ ገብእ?

- አነ ክምእን ክምሰሌኪ ግልት ሰበት ኢአና ቲ። እንቲቲ መሸ ምን ዕሰሪ ሰፍታት አሰክ እለ አሰር ሻማት እምበል ሸር እት ኢኮን ካልእ ፋእደት ለኢረከብኪ ምኑ እናሰ ትገብእ ህሌኪ!

ኦቲኩ በሊሰ ኢሀለት።

- ሰምዲ ኦቲኩ። አሰክ እለ ኡኪ ክም አዘመ ምንኪ ልትፈሀም እግልኪ ኢሀለ በህለት ቲ?

- ከፊኪ በሊ። እብ ክምሰል



እለ ለትመሰል ገበይ ኢትትከሐዲ ምሰልዩ!

ረአሰ እተ ተአድንን እቲ ዐለት ወቅት። ካይት ዲብላ ዐረድላ መለሀየ እብ በይነ ፈልፈል ትብላ ለዐለት ሸቢበት እግል ተአሰኔ እዴህ መደት።

- ኦቲኩ። አፎ ኢትትፈንተዩኒ?

- እሱው ትበይ?

- ዲብ እለ እዳነ እግል ትትፈንተዩዩ ለትቀድሪ መክሉቅ ህለ ምን ገብእ አና ሌጣቲ። ትፈንተዩኒ ፡

- እብ ክሱሰሚ ትትገብይ ክም ህሌኪ ልትፈሀም እግልዩ ኢሀለ?

ካይት ለሱኣል እት ባለ ክም ኢዐለ ትመሰል ዐለት። ምናተ ለዕንታተ ዲብላ ዕንታተላ ሸንብራበት ውቲድ ዐለ። ወህታመ እብ አንክረ እግል ሸቢበት ለካይት ተአሰንዩ እለ ዐለት አሰኔት።

ካይትመ ለዕንታተ አሰክ ኦቲኩ እት ለአፋብዘ ወሰኒ ወአማን እግል ትትካሐድ ውጢት እት እንተ ክምእለ ትቤ፦

- እብ ኩሱሰላ ገበይ ለኡኪ ሐድጌኪ እበ እግል እትገሂኪ ሐዘ ህሌኩ። ምናተ እንቲ እለ ጋር እለ በታተን እግል ተአመኒ እቡ

ኢተሐዘ።

- “ሐድጌ። ተሐደጌ። አነ እለ ለመሰል ሀገገት ርሕዬ ኢትፈትዩ!

- አዳም ዋድሕ ገብእ ምን ገብእ ሰኒቲ።

አዘመ ካይት ምን ሐዲሰ እለ ለተሌ ትወሰክ እት ህሌት ለግንሐተ ልብ ለሰክብዩ ትመሰል ዐለት።

- እለ ጋር እለ እብ ከፎ ለትመሰል ገበይ እግል ትሸርሕዩ ትቀድሪ?

- ትፈናቲኩ።

- እለ ሐሰት ተ! ህቲ ህለ ዲብኪ። ክመ እንቲ ህሌኪህ ዲቡ።

- ካይት እለ ህግያኪ ሚ በህለት ተ? አነ እፍህመኪ ኢህሌኩ።

- ኦቲኩ። አነ የም እንቲ እግል ትትፈንተዩኒቲ መሰለኒ ዐለ።

- ላኪን እተ ዶልነ መሸ አመንኮ እግልኪ። ዲብ ቤት ዲብ ሕን አነ ቀልጣን ክም ዐልኮ መሸ አዕተዘርኮ እግልኪ?

- ኢፋሉ “አናቲ” ለአዕተዘርኮ። ኦቲኩ ለሸንብራበት እግል ድራር አሰክ “ከያማሽ” ለነሰኡት እቡ ሰብብ እግል ትትገመሕ ምሰል ሰበት ሐዘትቲ። ምናተ ምን ልበ እግል ትገምሐ ሐሊት ዐለት እግል ገብእ? ካይት ምን ጠቢዐተ እተ ሻም ሌጠ እግል ትብጠር ኢትቀድር። እግል ኦቲኩ ትትግንደ ወትትፍዘዕ ምሰል ዐለት ሌጠ እንዴ ኢገብእ ትትቀደብ ወሰኒ ወአማን ምን ገበይ እግል ተአሸክፈ ዳርክ ዐለት። ኦቲኩመ ለሸንብራበት ዲብ አፍሺመ ምሰል ኡኪ ክም ትመዩት ክም አዕተፈራት እለ ረሐ ክም ግብእት ሸዕሪት እበ ዐለት። ወካይት ለምን ቅያሰ ወለዐል ትቀርብ ወትፈትዩ ዐለት አዘ ቅብላተ ባዋረት እለ ህሌት። ህተ ጀላብ ኦቲኩ እግል ተአንተቅም ትከድም ክም ህሌት ተሐብር ዐለት። ወእት ረአሰ እለመ ኡኪ እግል ደረሳይተ እግል ለአሰሕተ ክም ቀድር ክም ትካየለ እለ። ሰኒ ፈርሀት ኦቲኩ ወሰእዩት በትካት። እለ ህዩ ምን ለሐዘዩ ወለ ምሰል አንሰ ብዕዳትመ። እግሉ ቀለል ጋርቲ ዐለ። ካይት ህዩ ምን ሐዲሰ ክምእን እት ትብላ ትሰክለት፦

- ኦቲኩ። እለ እንቲ አፎ ኢትትፈንተዩኒ?

- ሸንሀትኪ እለ ገብኡት ምን ገብእ። እግል እውደየ እግልኪቲ! እለ ህዩ ቀላልኪቲ።

- ከፊኪ! ክምእን እግል ትብሊኒ ይእፈቲኒ (ካይት ረአሰ ነክነክት) አነ እለ እብል እት ህሌት እብ ርሕዬ ሐሰብ የዐልኩ። ያራት ምሰልኪ ምን ተአዘድሚ ምንዩ።

- ምን ንትፈናቲ ተሐደሰ እትኪ።

ኦቲኩ እብ ምልሃህ እግል ትትገሂ ብዘሕ ትትጸገም ዐለት።

- ምን ኩሉ ልብኪ አሪምኪኒ በህለት ቲ።

- እምበል ሸክ። ኢፋልዩ።

ከባብ

ፊታን ባቅለት ለአበዴ


ኦርት ነፈር ጀኔታይ እት ልትዘቤ ጸንሐዩ። ለጀነ እምበል ፍትነት ካልእ ሐቲመ ዔብ ደዐለት እለ። ህቲ ህዩ እለ ብዘሕ ክም ዔብ ኢሐሰብዩ ከእግል ጀነ ትዛበዩ። ለጀነ አምዲላቲ ክም ሓለፈ። እግል እሱት መንግሁ ክም እለ ቤለዩ። መንግላይ እሱት እግል ልጽመር እትኪ ናዊ ህሌ። ወበታተን ክም ኢፈቲኪ ናግም ህለ። ከእግል ልርሐም እትኪ ወምነ እለ ሳትት ህለ እግል ለአቅብል ዶል ሐዘኪ። ዶል ለእለ ሰክብተ ላመት እንዴ ነሰኢ ክም ተሓትላ ሸክመ ሐቢታት ጨገራት እንዴ ላጸኪ ምሰልኪ አኪበን። ለእሱት እለ ክም ሰምዐት ለጀነ አማንቲ እት ትብላ እግል ረሐ ሐሸክሸክት። ወክምላ እለ ትበህለት እግል ትውዴ ብእሰ አሰክ ሰክብ ትታኬ ዐለት።



ለጀነ ሐቆ እለ ዲብላ ብእሰ እንዴ ጌሰ ከክም እለ ቤለዩ። መንግላይ እሱትክ እግል ትትካረጅ ምንክ ናውየት ሰበት ህሌት የም ላሊ እግል ትሕረደክ ዱሊት ህሌት። ሐቆ ኢተአምነኒ ለአማን እብ ናሰክ እግል ትርአየ ፋዘዕ እት እንተ ትሰከኩብ እለ ወራቅቤ ሓጀት ለእበ ተሐርደክ እት እዴህ እት እንተ እተ ምሰኩብክ እግል ትምጸአካቲ። ለመንግሁ አምነዩ። ምድር ላሊ ክም ገብእ ለእሱት ላመተ እት እዴህ እት እንተ ምን ሐንላ ሸክም ብእሰ ሐባት ጭገራት እግል ትላጼ መጸት። ለእናሰ ትሰከኩብ እለ ወምሰል ነፍሱ ሐገገት ተ እለ ለሕጻን አማንቲ ቤለ። ለእሱት ላመተ እንዴ ጸብጠት እትላ ወራዱ ዶል ደነት እብ ግላየ ገብእ ወለ ላመተ እንዴ አትሐደገዩ ሐርደየ እቤ። ዐደ ዶል መጸው ወለቶም ማይተት ክም ጸንሐቶም ህቶም ህዩ እግሉ ቀትለው። ወእብ ሰብብ ፍትነትላ ጀነ ፍንጌ ክልኦት ለዐድ በአሰ ጀረ ከአሕድ ቃተለው።

ክምን ፍትነት ለለአኪ አደብ አው ጠቢዐት በታተን ይህለ። ፍትነት ዐድ ባቅል ተአበዴ።

ተብሰም



ጀሐ ሐቲ ምዕል ጭገር ረአሱ እግል ልቀርጭ ዲብ ኦርት ቀሺም ሐላግ አተ። ለሐላግ ዶል ከአካነት ሐቲ ቀጥሕ እቲ ወአክለ ደም ረአተ ግጥነቲት ለአለጥእ እቲ ዐለ። ጀሐ ሐቆ መደት ለሸቅሉ ምን ሸዐሪ እቡ ምን ክርሲል ሕላገት እንዴ ትከረ ብጣሩ ምን ገብእ። ለሐላግ ህዩ። መለሀይ አሰክ ተአክልሰ ሰብር ውዴ ቤለዩ። ህቲ ህዩ። በሰ ከፈኪ። ለረአሰዩ ሰሩ ግጥን ዛርኡ ምን ህሌክ ታርፈት ምኑ ለህሌት ደሐን ቲ ናሰዩ ሰፍ እግል እዘረኣቲ ቤለዩ።



ተቅዩም ክታብ ዝሕረት ኑር-አልነቢ (እብ እስታዝ መ/ሰዲድ ዑሰማን)

ሰዊር ኣብል ባርነት

ህግደ ትግራይት ሐቲ ምን እት ለዑብደ ገይሰ ለህለዩ ሀገራት ዐድና ተ። ትግራይት ምን ትትኩተብ ወምን ህግደ ኣፍ እት ህግደ ክቲብ ትትዑዲ። ዝያድ ዎርት ክፈል ዘመን እድ-ወርት ህሌት። እትሊ ናይ 100 ሰነት ሄራሪ ህይ። ኣሸቃግር። ኣድጋም። ዓዳት። ታሪክ። ኣካዳሚ። ቅሰሰ ውብዕድ ኣምር ክቲብ ትኩተብ እብ። ኣዜመ እትሊ ኣውካድ ቅሩብመ ዎር ክታብ ታሪክ እብ መርሐም ተሰፋዩ ገብረኣብ እንዴ ትኩተብ። እት ትግራይት ሰሕፊ ሰሌማን ዑሰማን ዐቤ ተርጀመዩ ወትደሐሪ ክዲብ እዴ ቁርኣት ባጽሕ ህለ። ክዩም ጌማምላ ክታብ ሚ ክም መሰል። ኡስታዝ መሐመድ ሰዲድ ዑሰማን ለቀደመዩ ጸብዋ እግል ነኣፍግር እግልኩም ቲ። ቅራኣት በኪተት።

እስልፍ እግል መተርጅማይ ዝሕረት ኑር-አልነቢ ሰሕፊ ሰሌማን ዑሰማን ዐቤ ወዳይሊት ተሰፋዩ ገብረኣብ ኣሰናይኩም እብል። ቀደም እል እሊ ክታብ እብ ኣምሐርኛ ወትግርኛ። ክምሰልሁመ እንግሊዝ እንዴ ተርጀመ እብ ቁርኣት ዐጀብ ወሐምዴ ቅዝር ለረክቡ። ዎር ምን ኣክትብት ኬትባይ ተሰፋዩ ገብረኣብ ቲ። እሊ ክታብ እት ሰለሰ ክፋል። 31 ምዕራፍ ወምሰል ጭመር ክታብ ወመራጃዕ። 41 ሰራት ለብእቲ። 396 ገጽ ለክምክም። እብ 54 መራጃዕ ወመቃባላት ለትረዘቀ። ኣርእስ ምዕላፋቲ እብ ሸዕር ለትሰጠመ። እብ በሐስ ቅሪ ወመባልሰ ዕጉል ለትነደቀ ናይ ተእሪክ ወዐይን ክታብ ቲ። ጸብዋ እሊ ክታብ እት በሐር ታሪክ ናይ ሄራር 105 ሰነት ለልኣተውቀክ። ምን ሰነት 1888 ኣሰክ 1993 እት ህለ ዘበን። ሐዶት ናይ ኣርበዕ ታርፊታት ጂል ለሐዩቡ። ታሪክ ጸው ኑር-አልነቢ በኪት ናሱ። ወውላዳ ኤድዋርዶ ወኣልሚንዶ (በዲር እድሪስ ወኣድም ለዐለው)። ገብሪኤል ወወልዱ መናድል መኮነን እት ሕድ ለጣዩመ። እግል ኩሉ መለዋሊት ሐዶት። ንዳል ድድ እስትዕማር። ሰባተት። ምጋብህት እግል ሐቅ። ወብዕድ ጋራት ብዙሕ ለልኣኪ ክታብ ታሪካይ ከያል እት ገብእ። ምን እት ሰነት 2017 እብ ኣምሐርኛ ለትጠበዐ “የኑረነቢ ማህደር” ለኣርእሱ ክታብ ለተርጀመ ክታብ ቲ።

እሊ ክታብ እት ኤረትርዮ እብ ሰለሰ ህግደ በህለት ትግራይት። ትግርኛ ወእንግሊዝ ትርጅም ህለ። እሊ ክታብ እግል እቅረእ እንቡተት ክምሰል ጸብዋ። ክምሰል ሕማሴ እንዴ ልትላመድ ዐለ። ኣክ'ለ እት ቀበትላ በሐር ኣተ ለልትረዩሕ ነፈር። ጀልቡት ተእሪክ እንዴ መሰኮ

ዲብ በሐር ሐዶት ሄረርቲ። ሐዶት ገቢል ኤረትርዮ ቀደም ምጽኣት እስትዕማር ዋልዶን እብ መሃንእተ ወመለዋሊተ ትቃበለተኒ። እተ መደት ለህ ለዐለ ፈለል። ጀሐር። ኣንበጠ። ሸፍትነት። ኣኪይ-ዋይዲባት። እት ተማሱ እንዴ ሸርቤኒ። ክምሰል ይፈግር ምኑ ወዴኒ። ኣጀኒት ነኣይሹ። ሕረም ወሻይቦታት እብ ፈለል እንዴ ኣክትተው። ፊድኣይ ኣለዐም እት እንቶም እተ ገጩ ትዋሰፊ እይ። ልትፈሌ ሕኩመት ኣለቡ ወወጠኑ ለይኣሰቡት እል ድቦ እል ትላድፋ



እቤ በይንዬ እት ህምገም እንዴ ትካፊት። ሄራር ኑር ኣልነቢ ወዳይሊት ምን ዳምር ፋነ ኣሰክ እም-ክሉ ወባጽዕ። ኣሰፋር ዕንታትክ በልሸም ለኣለኣተውዴ። መላትሕክ ክም ልትሰብሰብ ለወዴ። እብ ሐቲ ረሕመት ወእብ ብዕድ እንክር ኤማን ዲብ ተኣትዋይን። ለዐለት



መግወነት ወፈራሰት ተኣትፈክረከ። ለጽኖዕ ኣድብር ወሳሳት እንዴ ካዩደ ባጽዕ ለኣተ ኑር ኣልነቢ። እት ባጽዕ ምሰል ሕቲ ወዋልዶን ለኣለፈዩ ሐዶት። ተእሪክ ሚነት ባጽዕ። ሓለት መንበረት ምሰል ዋልዶን። መሕገዝ ወፈለል እብ ዎር እንክር። ወኢመትመላክ እግል መስተዕምራይ እብ ብዕድ እንክር። ለልኣርኤ። እተ መደት ለህ ባጽዕ መርከዝ ተጃረት ጀህረት ኣፍሪቀ ምለዐል ሰናተ ለዐለት። እብ ጀህት ብዕድትመ ቀደም ምጽኣት ዋልዶን ዐዳገ ዝቤ ኣዳም ክም ዐለት ዶል ቀርኣት። ነፍሹ ሰኒ ሸዕለለት። ተእሪክ ባጽዕ ወኣዳመ እግል ለኣምር ለልሐኪ። መስተዕምራይ ኣክል ኣዩ ዛልም ወጃእር ክምቲ እግል ልፍህም ንዩት ለቡ። እሊ ክታብ እግል ልቅረእ ወጅቡ እቤ ምሰል ደሚርዬ። እል ምን ፋነ ለትበገሰት ቅሰት። ኔዋት ባጽዕ እንዴ ወርደት። ኣሰመሪ ተኣፈግረከ። ሄራር ኣሰክ ኣሰመሪ እብ መጽዕን። ኣሰመሪ እብ ተከልቡ። ሰዐሪ ወማዩ። ፍንጠር ገቢል ዶል ተኣትዋይን።



መኮነን ገብሪኤል ለኣከትም ዲብ ህለ። ንዳል ገቢል ኤረትርዮ። ንዳል ታርፊታት ክም ቲ ልትፈህመከ። ተርጀመት ምን ሐቲ ዴማት እት ብዕድ ዴማት ዐደዮት ኣፍካር ቲ። ተርጀመት ተፍሰር ኣፍካር ወፈለሰፈት ቲ። ክምሰል እት ሐቲ ዐድ እንዴ ትሰነዕ። እተ ብዕድት ዐድ ለትተዘቤ ብዳዕት። ኣፍካር። ፈልሰፈት ደያነት ወብዕድ ኣሸዩእ እብ ገቢይ ተርጀመት ልትዕዴ። ሰበት እሊ ክእነ ለመሰል ኣክትብት ዐባዩ ተርጀምት። እት ፈህም ገቢል

ናይ ትግርኛ ወኣምሐርኛ ትንክረ እንዴ ኢትፈግር ወኣትትራዘቅ ሰበት ተርጀመት። ሕሳል ክም ጸብዋ። ጠልቀኒ ኢቲለተኒ።

- መግኒ ወተዕቢር። እትላ ቅሰት ለህለ መግኒ። እብ ኣማን ምን ዓዩን ትግራይት ለፈግረ። እት ኣካነቲ ወመካራቲ እብ ዋጅብ መባልሱ ጸብዋ ሰበት ህለ። ናይ ኣሰል መሰል። መሰለን እሊ ጦግ ምን እንረኤ። “ሰልሱቶም ክም ኣተው። መዋልዶይላ ካር። እት ኑር ኣልነቢ እንዴ ትወለቡ። ተኣመሪ ምሰሉ። እምባል ኣትካራም እብ ምሰዋክ ኣንዶቡ ለኣነድፍ። ለበፍተ ደበላን መሰል ኣንዶቡ። እት ቀደም መንባሁ እግል ሰኣቅ ክምሰል ልትነፈዕ እቡ ኣርኣ።” እሊ ጦግ መግኒሁ ወመባልሱ እብ ዋጅብ ለተርጀማ ቲ።


- ትንክር ኣፍካር። እትላ ቅሰት እት ፍንጌ ኣሰጠር ወኣዋዋግ ለህለ መትጳባዮ። ለጠም ከሊማት። ናይ ምዕራፋት መቃረነት ሄራር ቀደም ወግረ እቡ እንዴ ነሰኤክ ኣሰክ መብጠሩ ለዋሊኩ። እት ቅሪናሁ ለልኣተውቀክ ሰበት ቲ። እግል ቅራኣቲ ለኣፈይገከ። ሰኒ ፍዑል ሰበት ህለ ህይ። ኣትካራም ኣፍካር ህለ እግል ልትበህል ኢቀድር።

- ቀዋዕድ (ሰዋሰው)። መተርጀማይ ክም ውላድ ዮም እብ ትግራይት ለደርሰ ወዲብ በር ለዐበ ምንመ ኢገብእ። እብ እት ሰኣፈት ለወደዩ ወቅት ረዩም ቲ ገብእ። ኣክል እሊ እት ቀዋዕድ ነቃሰ ኢወደ። ቃረናት። ሓበርት። ኣትመሳናይ። ውዳይ ወቲልዮቲ። ሰፊት ወመወክለት ኣሰማይ እብ ዋጅብ ንጭዕ እዐም ህለ። እል ቅሰት ምን ለኣከብደ ጋራት ለዎር። ኣሸግር ብዙሕ ብእተ። እሊ ሸዕር እሊ ምን ኣምሐርኛ ኣው ትግርኛ ዲብ ትግራይት እግል ትቀይሩ ሰኒ ክቡድ ቲ። መተርጀማይ ላኪን እሊ መታክል እሊ ዕዳዩ ህለ። ምን ትርጅም ለህለ ኣሸግር ገሌ ኣምሳል እግል ንርኤ።

ሊብዩ ውረድ ተሳገር እምኒ እንተ ሞትካ ዕዳካ ትሰኒ እንተ ኣለኻ መዳልያ ትግኒ። እሊ በህለት።

ሊብዩ ትደሬ ብለቅ ተዐዴ ምንዲ ትመይት ዕዳይክ ትፈዴ ወምንዲ ተህሌ መዳልዮት ትትሰርጌ።

ክስኣት ረኣሱማል ዐባይ ቲ። ዎር ክታብ እንዴ ተርጀምከ። እት ቀበት ምእት ሰነት ለጀሪ ተእሪክ ኣምሀርት እስትሸዎድ ክቡድ ለልሐኪ ጋር ቲ። መተርጀማይ እሊ ክታብ ትግራይት። ኣምሐርኛ ወትግርኛ ኣክል ሕድ ምን ቀድረዮን። እሊ ክም ሄራር መሓዝ ዐንሰበ ለትትሀርቡቡ እንዴ ቀርኣካህ ለኢትትጸገብ ቅሰት ትርጅም ህለ። ተርጀመት ለትፈናተ ኣጅናሰ ቲ። እባህ (ዱቅሪ)። ወለትመሳኔት ተርጀመት ቲ። መተርጀማይ እል ቅሰት ምሰል በህል ካባሬ። ቅዩም። ሰርዐት ወመባልሰ ገቢል ኤረትርዮ እንዴ ኣትመሳኔ ሰበት ተርጀመዩ። ለትቃረነት ተርጀመት ቲ። እብሊ ህይ። ለቅሰት እብ ከያል ናሰ ለተርጀመት ድኢኮን። ለተርጀመት ኢትመሰል። ከግድም እሊ ለተሌ ረኣይ ሐጨር እግል ሀቡ።



ጅግራታት ኩረት ሰለት አቅሊም ምግብ ተ'መ



ፈደሬሽን ባሕር-ቦል በሀለት ኩረት ሰለት አቅሊም ምግብ ምስል እት ካርጅ ለኩባሪ ኤሪትሮፖን እንዲ ተዓወነ ወደዩ ለአሰማን ናይ ደዋር ካስ ምን ነሱ ጅግራታት፡ ሰንበት ዐባይ 22 ሰብተምበር እት ሚዳን ቦቻፈለ ተ'መ።

እሊ 10 ፈሪቅ አወላይ ዲቪዥን ኮቦሪት ሰለት ለአሻረከው ጅግራታት፡ ናይ ሐቲ ኢነት እንዲ አውደቅከ ሐሊፍ ቱ ለዐለ።

እተ ምዕል ለሀ፡ እተ ናይ

ደንገበ ትልህዩ ለሐልፈ ፍሪቅ ዐንበርቡብ ወቅዋት ጀው ዐለው። ዐንበርቡብ እተ ሰልፋይ ሾት እብ ፋይሕ 23 እብ 4 ልትዐወት ዲብ ሀለ፡ ናይ ቅዋት ጀው ፈሪቅ ክንፊ ህይ፡ ለካልኣይት ትልህዩ፡ 23 እብ 8 ተዐወተ ዲብ።

እሊ ነኣይሽ መተልህዩት ለሐዩበ ፈሪቅ ክንፊ፡ እተ ሳልሳይ ሾትመ 12 እብ 10 ተዐወተ ከፈግረ። ተጃርብ ለዐም መተልህዩት ለብእቱ ፈሪቅ ዐንበርቡብ፡ እተ ናይ ደንገበ ራብዓይ ሾት፡ እግለ ዑዱል ምስሉ ለዐለ ፈሪቅ ቅዋት ጀው 15 እብ

14 እንዲ ቀልቤ፡ እብ ዓመት 56 እብ 53 ተዐወተ ወእዲ ለዓሊት ናይሊ ጅግረ መልኩ።

ለሰልፋይ ካስ ደዋር ናይ እሊ ጅግረ ህይ ሀረሰ። እብ ተሰዊት መትፈርጀት ናይሊ ትልህዩ ለሐሰ መተልህዩ ናይሊ ምዕል ለትሐረ ህይ፡ መተልህዩይ ቅዋት ጀው አደናይ አፍወርቁ ቱ።

እሊ እት ሰነት 2022 ለአንበተ ጅግረ ባሕር፡ ዮም ዓመት እግል ሳልሰ ሰነቱ ቱ ገብእ ለሀለ። ፈሪቅ ሲቲ-ሰንተር፡ እተ ሰልፋይት ሰነት ነሱ ዲብ ሀለ፡ ፈሪቅ አርበዕቱ

አሰመረ ናይ ደዓም ዕውትለ ጅግረ ዐለ። እብሊ ህይ፡ ለካስ ሰለሰ ለትፈናተው ፍሪቅ ሞምጡጣሙ ህለው። ካስ ደዋር ሰበት ቱ ህይ፡ ሰለሰ ዶል እንዲ በድረ እግል ርሐ ለነሰአዩ ፈሪቅ እግል ምልኩ ክም ነሱ ቱ።

እምበል እሊመ፡ እተ ምዕል ለሀ እተ ገብእ ትልህዩታት፡ እት ኣተዮት ሰለሰ ንቅጠት እብ ሐቲ ልክፈት፡ ኤሽን ዘርኡ ለበዘሐ ንቀዋ እንዲ ሰጀለ ዕውት እብ ሀለ። ዲብ ሰረት ወኣተዮት እብ ምልዐል ሽግዲት ህይ፡ አደናይ

አፍወርቁ ካይስ ኩሎም ሰናቱ ገብእ ከትዐወተ።

እሊ ጅግራታት፡ እት አደቃብ ወአትሐሶሳይ መጃል ባሕር-ቦል ዶር እግል ለሀሌ እሉ ክም ቀድር ልትአመን እብ። ብዙሕ ወድቁብ ፍሪቅ ለሻርክ ዲብ፡ እብ ፍንቲይ ህይ አዋልድ ምን ልትሐበራሁ፡ እተ መጽእ ሰናታት፡ ዝያደት ጃዝባይ እግል ልግበእ ልትሰኡ። እምበልሁመ፡ ምን ፍሪቅ ለነሱ ካስ ወኪንመ፡ እግል መተልህዩት እብ ማል ለልአትናይት ዶል ገብእ፡ ሽዑሮም ለወቅል ቱ።

ፕሬመር ሊግ እት 5ይቱ ሳምንቲ



ማንሲቲ 2-2 አርሰናል

ለሀረሚት ፍሪቅ ዱለት እንግሊዝ እትሊ ናይ እሊ ምውሰም ጅግራታቱ ወሬሕ ወሳምን እድወር ሀለ። እተ ሐልፈ ሰነብትመ እሊ ፍሪቅ ድቅብት ድንኪክ ናይ 20 ፍሪቅ ዋዲ ዐለ። እሊ በሀለት ዐስር ትልህዩታት ወድ በሀለት ቱ።

ዐስር ፈሪቅ ለዓድሎ ዲብ ህለው፡ ለብዕዳም ዐስር ህይ ቀልበው ከፈግረው። ፈሪቅ ሳውዳምፕተን ወኣሰፕቲ ታውን 1-1፡ ሌሲስተር ወኣሰፕቲን 1-1፡ ብራይተን ወናቲንግም ፎሬስት 2-2፡ ክምስልሁመ ማንጅስተር ሲቲ ወአርሰናል 2-2፡ ወክሪስታል አፓላስ ወማንጅስተር ዩናይትድ 0-0 ለትዐደለ ፍሪቅ ዐለ።

ቶተንሃም እግል

ብራንትፎርድ 3-1፡ ፋልሃም እግል ኒውካሰል 3-1፡ ሊቨርፑል እግል ቦርንግውዝ 3-0፡ ፋልሃም እግል ኒውካሰል 3-1፡ ጅልሲ እግል

ዊስትሃም 3-0፡ ወአሰቶን ሺሊ እግል ዎልቭስ 3-1 ቀልበዎም።

ወእብሊ ገሌሁ ፍሪቅ ሰልሰለሰ ንቅጠት እት ጀምቢሉ ዲብ ከሬ፡ ገሌሁ ፍሪቅ አርድ ለደደ። እሊ ትልህዩታት እተ መጽእ ሰነትብመ እግል ለአተላሌ ቱ።

አሰክ እሊ ማንጅስተር ሲቲ እምበል አሮ ተዓዳ፡ እንዲ አልትቀለብ ለአሰርር ለሀሊ ፈሪቅ ቱ፡ ደርቡ ሊቨርፑል፡ አሰቶን ሺሊ፡ አርሰናል ወጅልሲ እብ ተርቲብ ተ'ሉ።

ማንጅስተር ሲቲ እብ 13 ንቅጠት አወላይ፡ ሊቨርፑል ወአሰቶንሺላመ እብ 12 ንቅጠት ደርቡ ካልኣይ ወሳልሳይ።



ጅልሲ 3-0 ዊስትሃም

ክኤክሳንደር፡ ዲብ ፈሪቅ 7-ኢክሸብ ናይ ፊኪፕንስ ተዐደ

መተልህዩይ ዐጀላት ፈሪቅ አሰቤኮ ካሌክሳንደር ኢሳቅ፡ ማሌ ለሀ እተ ዲብ ፕሮ-ኢንተርኮንትይንታል ለልተልሄ ፈሪቅ 7-ኢክሸን እግል ልትሐበር፡ ሰፊሩ አሰክለ ፈሪቅ ወደ።

ካሌክሳንደር፡ እት ወሬሕ ኦገስት 2015 እት ትልህዩታት አጀኒት (ግራብ-ሩት) ናይ ከረም፡ እት ብድረ ዐጀላት ማውንቴን ባይክ ምስል እዳረት ፓራዲብ ክም ተልሀ፡ እት ኦክቶበር 2015፡ እት አቅሊም ምግብ እንዲ ትሰጀሉ፡ ዝዙም ጅግራታት ማውንቴን ባይክ አሰተብደ።

እት ሰነት 2017፡ እት ዳኮርሶ ሳልሳይ ዲቪዥንን እብ ብሕተ እንዲ ተዐደ ህይ፡ እት መደት ሐጫር፡ እት ፈሪቅ ዐጀላት አሰቤኮ ካልኣይ ዲቪዥንን ሐልፈ። እት ናይ ዐባይ ወምንተሐት 23 ሰነት ለዓማሮም ብድረ ዐጀላት እብ ብሕተቱ ልተልሄ እንዲ ዐለ ህይ፡ ምን ሰነት 2022/23 እግል ሐል ምስል ፈሪቅ ዐጀላት ኤሪቴል ተልሀ። እብ ድግማን እት ፈሪቅ አሰቤኮ አቅበለ ከተልሀ። እትሰ ሰነት ዮም ዓመት እብ ብሕተቱ ወምስል ፈሪቅ ዐውቲታት ዐባይ እብ ህይ አሸብረቀ።

ካሌክሳንደር፡ ዎሮት ምን እት ጅግረ ሸፋገት ሾላተ ዐጃይብ ቅድረት ዐጀለት ለዐም መትባድረት ቱ። እሊ ክም ነፍዑ እንዲ ደምነ ዕን ካሪ ዲብ ለሀሊ ፈሪቅ ህይ፡ እት ናይ ሾላተ ጅግራታት ዐውቲታት እግል ለአጃቅፋ ምን ሰአዩ ቱ ጣልቡ ለሀለ። እሊ መትባድራይ፡ ምስል እሊ ፈሪቅ ሰልፋይት ትልህዩሁ እት ቻይነ ዲብ ዮም 26 ሰብተምበር እግል ለአንብት ክም ቱ፡ ዕላቃት ዓም ፈደሬሽን ዐጀላት ኤሪትሮፕ ለሐብር።

እትሊ እብ “ሃንሰሻን” ለልትአመር ጅግረ ዐጀላት ሰለሰ መራሕል ክም ህለዩ፡ ወአንፋር እሊ ፈሪቅ ላቶም አኻሊሉ ገብራሂውት ወኤሽን የማኔ’መ እግል ልሻርኮ ምስሉ ክም ቶም ምን አዜ እመር ሀለ።



